



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



569

Հ Ա Մ Ա Ռ Յ

Պ Ա Տ Մ Ո Ւ Թ Ի Ի Ն

ԵՐԿՈՏԱՍԱՆ ԿԱԹՈՂԻԿՈՍԱՑ

Կ Ի Լ Ի Կ Ի Ո Յ



Ք - 34

Յ Օ Ր Ի Ն Ե Ա Ց

Գ Ե Ր . Գ Ե Ր Յ . Ա Ն Դ Ր Է Ա Ս Գ Ե Ր Ա Պ Ա Յ Մ Ա Ռ


Ս . Ղ Է Ք Ս Ա Ն Դ Ր Ե Ա Ն

Մ Ե Մ Ա Ի Ո Ր Վ Ա Ն Ա Ց Փ . Կ . Զ Մ Մ Ա Ռ Ի



Վ Ե Ն Ե Տ Ի Կ — Ս . Ղ Ա Զ Ա Ր

1906



34

Հ Ա Մ Ա Ռ Օ Տ

Պ Ա Տ Մ Ո Ւ Թ Ի Ի Ն


ԵՐԿՈՏԱՍԱՆ ԿԱԹՈՂԻԿՈՍԱՑ

Կ Ի Լ Ի Կ Ի Ո Յ

Index

Zusammenhang von den verschiedenen Samplungen -
und deren Zweck: die Bestimmung der Temperatur.

1940 Nr 89. 1941 Nr 35. 62. 88. 1942 Nr 62
1944 Nr 53.



Հովիտ

Արտակ
Գանձիկ
Գրամ
Այտոյանհանի
— Մարտիս

Հ Ա Մ Ա Ռ Օ Տ

Պ Ա Տ Մ Ո Ւ Թ Ի Ի Ն

ԵՐԿՈՏԱՍԱՆ ԿԱԹՈՂԻԿՈՍԱՑ

Կ Ի Լ Ի Կ Ի Ո Յ

Յ Օ Ր Ի Ն Ե Ա Ց

Գ Ե Ր . Գ Ե Ր Յ . Ա Ն Դ Ր Է Ա Ս Գ Ե Ր Ա Պ Ա Յ Ն Ա Ռ

Ա Ղ Է Ք Ս Ա Ն Դ Ր Ե Ա Ն

Մ Ե Մ Ա Ի Ո Ր Վ Ա Ն Ա Ց Փ . Կ . Զ Մ Մ Ա Ռ Ի

ԿԼԿ
132




Վ Ե Ն Ե Տ Ի Կ — Ս . Ղ Ա Զ Ա Ր



THE UNIVERSITY OF CHICAGO
LIBRARY

1907



ՀԱՅՐԱՊԵՏՈՒԹԻՒՆ ՀԱՅՈՑ

Ի Կ Ի Լ Ի Կ Ի Ա.

Որոգէ՛Ս իսկ հաւանութեան է, սկիզբն նուիրապետութեան Ազգիս Հայոց եղև յամին 304. և առաջին եկաց հայրապետ Սուրբ Գրիգոր Լուսաւորիչն և Առաքեալ Հայոց մեծաց: Արք հոյակապք և սուրբք յաջորդեցին զնա ի Վաղարշապատ, կամ յաւէտ յԱշտիշատ Տարոնոյ զամս 150 (կամ 180) և փոխադրեցաւ Աթոռն ի Գուին, ուր մնաց զամս 470, ցամս 924: Յետ այնորիկ ոչ ուրեք զժամանակ մի հաստատուն կալաւ կայան, տարաբերեալ յայլ և այլ տեղիս յարևելեան աշխարհս Հայոց զամս 130 (924-1054): Այսու օրինակաւ անցին ի հաստատութենէ անտի նուիրապետութեան ամք 750 (304-1054): Եւ չգտեալ այնուհետև հանգիստ և դադար ի կողմանս, որ յարևելից Եփրատայ, անցանէր յայսկոյս ի խնդիր անքոյթ վայրի, առ ի հաստատել զաթոռ Լուսաւորչին, որ կայրն ի ծուփս յալեկոծութեան ժամանակին:

Այլ մինչչև գտեալ զոր որոնէրն՝ հարկ եղև նմա և աստ թափառիլ այսր և անդր զամս իբր 95. (1054-1147) Եւ ըստ այսմ փոխադրեցաւ հուպ ընդ հուպ ի Սեբաստիա, ի Թաւ բլուր, ի Ծամնադաւ, ի Հոնի, ի Մատրասուն, յանապատն Շուղր, ի Կարմիր վանս, և ի Ծովք դղեակ: Պետրոս Ա. Գետադարձն վախ-

ճանեցաւ և թաղեցաւ ի վանս Սուրբ Նշանին, որ ի Սերաստիա: Խաչիկ Բ. ի Թաւրւոլ: Գրիգոր, Բ. վկայասէրն ի Կարմիր վանս մերձ ի Քեսուն: Եւ Բարսեղ Ա. յիւրակերտ վանսն յանապատին Շուղր:

Գրիգոր Գ. Պահլաւունի յետ նստելոյ զամս ԺԲ, ի սեաւ լերին. և զամս ԻԲ. ի հայրենի դղեկին իւրում ի Ծովք, որ անուանեցաւ բերդ կաթողիկոսի, զնեաց ապա զՀռոմկլայ ի Փրանկաց, և անդր հաստատեաց զԱթոռ իւր, որով և հանգեաւ այն զհարուստ մի ժամանակ, իմա ամս 147. (1147-1294): Եւ նստան անդ հայրապետք տասն. յորս երևելիք են Պահլաւն Գրիգորիս, Գ. Ներսէս Գ. Շնորհալին. Գրիգոր Դ, Տղայ. Գրիգոր Զ, Ապիրատն. Յովհաննէս Ը, Մեծաբարոյն. Կոստանդին Ա. Բարձրբերդցին. այլովքն հանդերձ. որք պայծառացուցին զԵկեղեցին Աստուծոյ ի Հայս պէսպէս ուղղութեամբք և զեղեցիկ բարեզարդութեամբ: Յերկրորդի ամի հայրապետութեան Ստեփանոսի Գ. զամ մի պաշարեալ զՀռոմկլայ առին զայն Եգիպտացիք և աւերեցին. զերի անկաւ և կաթողիկոսն որ յետ միոյ ամի վտարանդութեան վախճանեցաւ յԵգիպտոս յամին 1294:

Չկնի մահու նորին ի նմին (1294) ամի ընտրեցաւ Գրիգոր Է, Անաւարզեցի՝ անուանեալն տուրք երիցանց, որ ի գերութեան անդ Ստեփանոսի կաթողիկոսի՝ տեղապահութեամբ վարէր զաթոռն: Եւ զի չէր այլ ևս մարթ կալ յակաստանի ի Հռոմկլայ, որ աւերեալ իսկ էր, հաստատեցին զԱթոռ հայրապետութեան ի Սիս յարքայանիստ քաղաքն Կիլիկիոյ, ուրանոր եկաց մնաց զամս 446, (1294-1740): Եւ յայսմ միջոցի նստան անդ կաթողիկոսունք թուով աւելի քան զքառասուն, այլ պակասի ստոյգ չափ ժամանակի մէն միոյ ի նոցանէ, և ոչ ինձ արդ կամք են դեգերիլ ի նոյն, զի իմ նպատակ յիշել ևեթ է

զերևելեաց ոմանց ի նոսա զանուանս և զարարս
ինչ նոցա և փութալ անցանել ի պատմութիւն Հայ-
րապետացն, որք կալան զԱթոռ Սրբոյ Հօրն մերոյ
Գրիգորի Լուսաւորչին ի 1740 ամէ և այսր : Եւ
արդ :

ԶԳրիգորէ Է, որ առաջին եկաց պատրիարք ի Սիս,
զրէ կղեմէս Գալանոս այսպէս. «Գրիգոր ի Սսոյ, սա
առաւել քան զայլ ամենայն ուղղափառ հայրապետս
հայոց սիրէր զԱռաքելական Սուրբ Աթոռն Հոով-
մայ, զի այր էր լի ծայրագոյն սրբութեամբ և գի-
տութեամբ, և յոյժ ցանկայր միաբանութեան և փրկ-
կութեան ազգին իւրոյ : Գրեաց առ Հեթում արքայն
իւր՝ զթուղթն փրկարար և լուսաբեր, որով յայտ
առնէր զամենայն մոլորութիւնս, զորս պարտ էր Հայոց
մերժել ի բաց, և բազում պատճառօք և վկայու-
թեամբ Սուրբ Հարց և Սատուածաշունչ զրոց հաս-
տատէր զհաւատոյ ճշմարտութիւն, նաև աղաչանօք
աղերսէր զնա գումարել զժողով ամենայն Եպիսկո-
պոսաց և Վարդապետաց Հայոց առ ի պէտս քննու-
թեան իրացն և համաձայնութեան» : Նոյնն հաստա-
տի և ի հակառակէն ի բանից յիշատակարանի Աս-
տուածաշունչ զրոց, որ զաղափարեալ է ի գիրս Հա-
ւաքման քարոզից, անընդմիջապէս զկնի թղթոյ Ստե-
փանոսի Սիւնեցւոյ առ Գրիգոր Կաթողիկոս (Անա-
ւարզեցի) : Եւ Յիշատակարանս իսկ գործ է նորին
Ստեփանոսի յորում զրէ նա, թէ Գրիգոր Կաթողի-
կոսն «քարոզէր շրջագայական թղթովք, ի բաց կալ
ի հայրենի հաւատոց և ընդունել զՔաղկեդոնի չա-
րափառութիւն (1) և յորս ձեռնահասն լինէր՝ սաստ-
կութեամբ հնազանդեցուցանէր, որպէս և նուաճեաց
զթագաւորութիւն Հայոց, և զբոլոր աշխարհն կիլի-
կեցւոց, և զՀոռոմս, և զմեծ մասն Արևելից աշխար-
հիս» : Եւ յաւելու, եթէ ինքն բունն դիմակալութեամբ

պահեաց զՍիւնեաց աշխարհն և զսահմանակից տեղիս մերձաւորս նմին: Որով յայտ առնէ, եթէ առ հայրապետութեամբ նորին Գրիգորի ծաւալեալ յոյժ էին կաթողիկէ հաւատք յազգին Հայոց: Գլուխ գործոց Հայրապետիս և թուղթն այն վարդապետական առ Հեթում, գրուած սքանչելի, զոր առաջնորդ կալան ինքեանց հարք ժողովոյն Սսոյ և Ատանոյ, որք և դրուատեցին զայն յարգանօք: « Հաւանութեամբ և պատուով ընկալաք զհրաման Սրբոյ Հօրս (Գրիգորի Անաւարզեցւոյ) և զսոյն նամակս և զօրինադրութիւն հաստատեցաք յամենայն Եկեղեցիս Հայոց »:

Գրիգորի է, յաջորդեաց կոստանդին Գ. կեսարացի, որ նուիրակութեամբ առաքեալ էր ի նախորդէն իւրմէ ի կողմանս Արևելից: Սա արար զյիշատակեալ ժողովսն Սսոյ (1307) և Ատանոյ (1316) և հաստատեաց նոքօք զինն զլուխս բանից վարդապետականս և բարեկարգականս, զաւանդեալսն ի Գրիգորէ է, ի թուղթն առ Հեթում, և ջանացաւ հետևիլ ըստ ամենայնի նախորդին իւրոյ պահելով զհօտ իւր յուղիղ հաւատս և ի վարս անարատութեան:

Կստան հետզհետէ ի նոյն Աթոռ բազումք, յորս առանձին յիշատակութեան արժանի են,

Յակոբ Բ, Տարսոնացի, զորմէ գրի ի յիշատակարանի ուրեք, թէ « էր յոյժ հնազանդ Հռովմայ Սուրբ Եկեղեցւոյն, հրամանակատար, և այլն »:

Մխիթար Քանեցի, որ արար զժողովն Սսոյ (1342), յորում յայտնապէս ընդունին զգլխաւորութիւն Եկեղեցւոյն Հռովմայ, և զփրկաւէտ վարդապետութիւն նորա յԵրրորդութիւն, ի Մարդեղութիւն և այլն: Կոստանդին Զ. վահկեցի, որ յամին 1439, պատգամաւորս առաքեաց ի ժողովն Փլորենտեան և ի հրահանգին զոր տուեալ էր նոցա գրէր ի կարգս բանից « որպէս և զիարդ լուսաւորեսցէ Սուրբ Հոգին

զՍուրբ Սիւնհոգոսն, այնմ պատրաստ եմք հնազանդիլ» :

Գրիգոր Թ, Մուսաբեկեանց, որ առ Եւզինիոս, (յամին 1445-պղղ) գրեաց «Զոր ինչ անդ արարին և խօսեցան (հրեշտակք մեր) զամենայն և զքնաւ, որ ի Քոյ Բարձրութենէդ սահմանեցան՝ մտադիւր ընդունիմ» :

Ազարիա կամ Զաքարիա Բ, Յովհաննէս ԺԲ. մեծաբարոյն, Գրիգոր Ժ. Ատանացի, Պետրոս Բ. Պիսակ Բերիացի, որ համարի ազգական առաջնոյն, վասն երկոցունցն անուանելոյ Պիսակ, ցուցին գործս միաբանութեան ոչ սակաւ :

Գրիգորի Ատանացոյ հնազանդութիւն առ Սուրբ զահն Հռովմայ յայտ ի գործոց նորա է, մանաւանդ յերթալոյն ի Հռովմ յամին 1694, հանդերձ երկու Եպիսկոպոսօք : Այս իսկ անշուշտ եղև պատճառք, զի ի նորա կենդանութեան զրաւեցին զաթոռն այլք ոմանք, որպէս Աստուածատուր ոմն Նարին ասացեալ. և Մատթէոս ոմն Սարի, որք և զմիմեանս վտարեցին անտի, ոչ ընդ երկար կացեալ յԱթոռն, զոր յափշտակեցինն, և չէ ինչ ծածուկ ընթացք զոր կալաւ ապա Մատթէոս անուանեալն Սարի :

Կալաւ ապա զաթոռն Պետրոս Բ. Պիսակ, անշուշտ հաւանութեամբ Գրիգորի, որոյ ազգական իսկ էր, զի երկոքին յորջորջէին Պիսակ, թէև մին Ատանացի ասի և միւսն Բերիացի, և երկոքին իսկ միաբան էին ընդ Եկեղեցոյն Հռովմայ :

Պետրոս ձեռնադրեաց զՄելքոն Թասպաս Արքեպիսկոպոս Մարտինոյ և ապա զԱբրահամ Արծիւեան Արքեպիսկոպոս Բերիոյ զորոց քաջ գիտէր զկաթողիկեայ հաւատս : Եւ նա ինքն Մելքոն Արքեպիսկոպոս ի թուղթն իւր առ Սուրբ ժողովն վկայէ զուղղափառութենէ նորա, և այս յառաջ քան զձեռնա-

դրիլ իւր Եպիսկոպոս: Նաև Ստեփանոս Աֆիանթիլ Արքեպիսկոպոս Տփղիսոյ գրէ, եթէ Աբրահամ «չագաւ առ Գեր. Պետրոս Պատրիարք Սոյ, գիտացեալ զի ի ծածուկ ուղղափառ իցէ»: Ի ձեռնադրութեան Աբրահամու, որ եղև ի Բերիա, զանց արար Պետրոս զնզովիւք ժողովոյն Քաղկեդոնի, զտումարին Լէոնի մեծի և զերկաբնակացն, որպէս յայտնի նշանակի ի պատմութեան նորին Աբրահամու, որ և ոչ խըղձեաց մատուցանել պատարագ հանդիսի յետ մահու նորա, բազում ամօք զկնի:

Այս ամենայն գործք և արարք չթողուին մնալ ի ծածուկ կաթողիկոսութեան նորին, յաչս այնոցիկ, որք ոչ հանդուրժէին այնմ: Սմին իրի և յարեան ընդդէմ Հայրապետին և վտարեցին զնա ի Պարսս, ուր մնաց զամիսս ինն, և յաքսորանս անդ կնքեաց զկեանս իւր խոստովանողական մահուամբ:

Իվերջ կոյս ժէ. դարուն սկիզբն եղև դառն հալածանաց կաթողիկեայցն Հայոց. և հալածիչք կացին, որք զպատիարքի Կուստանդնուպօլսի ունէին յորջորջումն Եփրեմ, Աւետիք և այլ նմանիք նոցա: Եւ այս հալածումն՝ մերթ առաւել և մերթ նուազ սարսկութեամբ յառաջէր զամս իբր հարիւր քառասուն:

Յետ աքսորանաց և մահու Պետրոսի Բ. կաթողիկոսի. փորձեցին կաթողիկեայ Հայք յամին 1714, լինել հասարակութիւն ուրոյն, անկախ ի պատրիարքէ բաժանելոցն, այլ ոչ յաջողեաց նոցա, և անկան ի բանդ, ի շղթայս, ի թիարան, ուր և փոխեցաւ առ Տէր՝ Մելքոն Թասպաս խոստովանող Արքեպիսկոպոսն Մարտինոյ: Եւ որք զերծանն՝ որով և իցէ օրինակաւ, զնացին փախստեայ յԱրևմուտս ի Հռովմ, ուր և կնքեցին ապա զկեանս իւրեանց: Սակաւք յոյժ մնացեալ էին յԱրևելս կաթողիկեայ Եպիսկոպոսունք յորս պայծառ հանդիսանայր Աբրահամ, Արքեպիսկոպոսն Բերիոյ:

ԱՐԱՅԱՍ Բ. ՊԵՏՐՈՍ Ա

ԱՐԾԻԻԵԱՆ ԱՆԹԱՊՑԻ

14 հուլիս 1740 - 1749

Ծնաւ Աբրահամ յԱնթապ քաղաքի յամին 1679. եթէ յօրէ ծննդենէ նորա մինչև ցամբառնալն ի Հայրապետութիւն Տանն Կիլիկիոյ ի հաշիւ ոք արկանել կամիցի, ընդ ամս վաթսուն (1679-1739), հայրապետս տասն և աւելի յերկաքանչիւր Աթոռսն Սոյ և Էջմիածնի գտանիցէ և առաւել քան Եպիսկոպոսս քսան, որք զմիաբանութիւն իւրեանց ընդ Եկեղեցւոյն Հոովմայ գրութեամբք, և այցելութեամբ ի սեամս՝ յայտ արարին, թող զայլս բազմագոյնս, զորոց չէ գրեալ ինչ որոշակի: Այլ սոքա ամենեքին, որ ծերութեամբ, որ յաքսորս, որ ի տառապանս կրնքեցին զկեանս իւրեանց վասն ի Քրիստոս Կաթողիկեայ անարատ Հաւատոց: Էին ևս այլ սակաւ, որք նովին օրինակաւ կային յօտարութեան յաւէտ ապաստանեալ ի Հոովմ: Այնպէս զի տակաւ նուազէր թիւ նոցա, և երևէր իմն եթէ դատարել ունէր այնուհետև յազգին Հայոց յաջորդութիւն Կաթողիկէ Եպիսկոպոսացն, միմիայն ճիւղ յողկուզաց մնայր յԱրևելս Աբրահամ Արքեպիսկոպոս, խոնջեալ վաստակեալ բաց ի հովուական գործոց և խնամոց, ևս և ի հալածանաց, ի հետապնդութեանց, ի դառն բանտից, ի շղթայից, յաքսորանաց և յազգի ազգի չարակրութեանց, և յառաջէր տակաւ յամս կենաց իւրոց: Օժանդակել օժանդակէր նմա ուրեք երբէք Յովհաննէս Հայրապետ Տանն Կիլիկիոյ, որ նստաւ

ցամն 1721, այլ ոչ միշտ, ըստ բուսոյ բարուցն
երկչոտութեան: Սմին իրի Եկեղեցականք և աշխար-
հիկք այլ և այլ քաղաքաց, յորս գտանէին կաթո-
ղիկեայ Հայք, թուղթս և բանբերս առ միմեանս ա-
ռաքել սկսան: Կ. Պօլիս, Սեբաստիա, Եւզոկիա, Ե-
զիպտոս, Եղեսիա, Տիգրանակերտ, Բերիա, այլովք
հանդերձ ձեռն առ ձեռն կարկառէին ի լրումն ժամա-
նել խորհրդոյն. յորս Բերիա յառաջադէմ հանդիսա-
նայր ի ժամուն. նա զի և զհովուէ այնր քաղաքի
բանքն էին, և այն ի խորհրդեան նոցա կայր, զի
չև մահու ի ձեռաց իւրեանց զայնպիսի Արքեպիսկո-
պոս յափշտակեալ, պարտ և հարկ իցէ փութալ ի
նորոգութիւն կաթողիկէ հայրապետութեան:

Վաղ իսկ զայս խորհուրդ ատուածահաճոյ երկ-
նեալ էին կաթողիկեայք, և փորձ իսկ փորձեալ յայն
սակս, և ի նոյն կացին առանց ինչ արդեանց: Մա-
նօթ էր իրացս և Այրն Մեծարոյ Գերապայծառ Եու-
սէֆ Սմաան էլ Սմաանի նուիրակ Առաքելական Ա-
թոռոյն յԱսորիս. և թէ որպէս, գիտելի է զի յամին
1735, իշխանաւորք ոմանք ետուն Աբրահամու և
Կրօնաւորաց նորա զՎանքն Մար Ճրճօս Աւգար ի
Տրպայի ասացեալ տեղոջ, զոր հաստատեաց Գերա-
պայծառ էլ Սմաանի, զրելով ի ստորև պատճէնի
մուրհակին ի 15 սեպտեմբեր 1756, ամաւ զկնի
զրութեան այնր, եղեալ այլ և այլ պայմանս, յորոց
մի է և այս « Հինգերորդ, բնակիչք յիշեալ վանաց
հետևեսցին միշտ բարիօք գնացից Գերապատիւ Վար-
դապետին Աբրահամու Արքեպիսկոպոսին Բերիոյ, և
լինիցին ընդ վարչութեամբ և հպատակութեամբ նո-
րին ցոր վայր կենդանի իցէ, թէև ի բարձրագոյն
աստիճանս ամբարձցի »: Բանքս այսոքիկ յառնէ
խոհականէ, որպիսի ոք Գերապայծառ էլ Սմաանին
էր նուիրակ Առաքելական Աթոռոյն յԱսորիս, ի կիր

արկեալք, ո՛չ վարկապարագի այլ ի պաշտօնական գրութեան, չկարէին առանց բարձրագունիցն հաւանութեան կամ գիտութեան ունել տեղի: Եւ այսպէս յայտ է, թէ ամենայնն լինէր յառաջագոյն ծանօթութեամբ Սրբոյ Աթոռոյն: Սակայն և այնպէս երկարէր խորհուրդն՝ գործ լինել տակաւին զամս ինչ (1736-1739):

Յամին 1739, կաթողիկեայք Բերիոյ զմի յերկուց Եկեղեցեաց քաղաքին զփոքրագոյնն նուիրեալ ի պատիւ Սուրբ Կոյս Աստուածածնին՝ յաջողէին բերել ի ձեռս, էին յայնժամ ի քաղաքի անդ եօթն քահանայք երեւելիք. Յակոբ վարդապետ որդի Տիրացու Յովսէփայ, Սահակ վարդապետ որդի տեառն Բարսղի, Տէր Մարտիրոս մեծն, Տէր Գէորգ Գմբէթեան, Տէր Աբրահամ Շիրին, Տէր Մանուէլ, Տէր Գրիգոր որդի Տեառն Ներսիսի Եղբօր Տեառն Սահակայ: Յետ առման Եկեղեցւոյն մեծամեծք քաղաքին և եկք, նոյնպէս և յիշեալ պատուական քահանայք հրաւէր առաքեցին առ Աբրահամ իջանել ի Բերիա և կալ ի մէջ հօտին իւրոյ:

Իսկ ինքն Աբբեպիսկոպոսն կամեցաւ յառաջ քան զմեկնիլ իւր Լիբանանէ, ի կարգի դնել զվարչութիւն վանաց Ամենափրկչին, որում անձամբ առաջնորդէր ցայնվայր, ըստ կանոնաց մարոնի կրօնաւորաց Սրբոյն Անտոնի Աբբայի, զոր հաստատեալ էր Քահանայապետն Կղեմէս ԺԲ. առաջի առնելով զայն և այլոց արևելեան ազգաց, որոց ցանկայինն վարիլ այնու: Չամս ինչ առ ի փորձ ետ իւրոցն գնալ այնու, և ապա յամին 1739, նոյեմբեր 2 հրամայեաց վարիլ նովաւ, սակաւ ինչ փոփոխութեամբ և համաձայն այնց կանոնաց հրաման ետ ընտրել իւրեանց ընդհանուր մեծաւոր, և ընտրեցաւ Հայր Պետրոս որդի քեռ նորին Աբրահամու, որ ետ նմա կոն-

դակ հաստատութեան, զորոյ զկարևոր մասունս ի մէջ բերել ի դէպ դատիմ, և է այս «Յիսուսի Քրիստոսի ծառայ Աբրահամ Արքեպիսկոպոս Մայրաքաղաքին Բերիոյ... յայտ լիցի... որդեկաց իմոց, և ուխտեալ Եղբարց հասարակութեանս մերոյ, զի ընտրեցիք վիճակաւ զՄեր որդի զՏէր Պետրոսն Հայր հասարակաց ի վերայ Ձեր. և ուխտեցիք նմա զերեք սուրբ ուխտն, կրօնաւորական կանոնի հետևելով. և խնդրէք ի մէնջ զհաստատութիւն. ըստ իրաւանց մերոց: ... հրամայեմ իշխանութեամբ, և հաստատեմ օրհնութեամբ հայր հասարակաց, Առաջնորդ և կառավարիչ ի վերայ Ձեր... ըստ ընտրութեան Ձերոյ զմեր որդի զվերապատուելի Տէր Պետրոսն վանահայր... Եւ աւանդեցի և յանձնեցի զբոլոր վանք Յիսուսի փրկչին ի ձեռս վերապատուելի Հայր Պետրոսին, ներքոյ և արտաքոյ, հոգևոր և մարմնաւոր. մինչև կրկին վիճակ լինիցի ի կատարել երից ամաց, ում կրկին ելցէ վիճակն՝ նա լիցի վանահայր և առաջնորդ, կրկին հաստատութեամբ» : Ապա դնէ Օրէնս ինչ նզովիւք հանդերձ, եթէ ոչ կանոնք պահեսցին ճշդիւ, տայ արտօնութիւնս ինչ վանահօրն, պայմանաւ դադարման ի նորոգել վիճակի: Քրեալ է կոնդակս յամսեանն նոյեմբեր, 1739:

Յետ այսպէս ի կարգի դնելոյ զիրս վանաց Յիսուսի Փրկչին, էջ ի Լիբանանէ և չոգաւ ի Բերիա, ուր քարոզէր յաճախ զբանն կենաց Հայերէն, Տաճկերէն և Արաբերէն, և ժողովուրդն կանխէր հանապազ լսել ի նմանէ:

Մինչդեռ նա ի սոյն գործ Աստուածահաճոյ պարապեալ կայր, Կղերն և Առաջաւորք Ժողովրդեան զհետ լինէին փութոյ պնդութեամբ պատրաստել յարդարել, որ ինչ առ խորհուրդն մեծ էին յանկաւորք, և յետ որոշելոյ զամենայն՝ ձեռն արկին ի գործա-

դրութիւն: Եւ զի պակասէին յայնժամ Կաթողիկեայ
 Եպիսկոպոսունք, պետք եղեն ձեռնադրութիւնս առ-
 նել, և նախ ընտրեցաւ (Օգնական) Եպիսկոպոս Բե-
 ըրիոյ Յակոբ Վարդապետ որդի Տիրացու Յովսէփայ,
 զոր ձեռնադրեաց Աբրահամ Արքեպիսկոպոս, յԵկե-
 ղեցւոջ փրանկիսկեան կրօնաւորաց, առընթեր ունե-
 լով զՔերասիմոս Բերիոյ և զԻգնատիոս Եմեսիոյ Ե-
 պիսկոպոսունս Կաթողիկեայ Յունաց: Յետ աւուրց
 ինչ ընդ Յակոբայ Եպիսկոպոսի ձեռնադրեաց յԵկեղեց-
 ւոջ Սուրբ Աստուածածնի զԻսահակ Վարդապետ ի
 վերայ Բիլիսիոյ Եպիսկոպոս: Հասանէր յայնժամ ի
 Բերիա Մարգար Մելգոն Ամղեցի, ընտրեալ Եպիս-
 կոպոս Մարտինոյ, զոր ձեռնադրեաց Աբրահամ Ար-
 քեպիսկոպոս ընդ Յակոբայ և Իսահակայ Եպիսկո-
 պոսաց յԵկեղեցւոջ Սուրբ Աստուածածնին:

Վաղ իսկ երկնէին ուղղափառք նորոգել զԿաթո-
 ղիկեայ նուիրապետութիւն ի Հայս, իսկ ի 1736
 ամէ որոշեալ իմն էր կացուցանել հայրապետ զնա
 ինքն զԱբրահամ, քահանայք և ժողովուրդք համա-
 ձայն խնդրէին զայն՝ հեռաւորքն թղթովք ընտրու-
 թեան, և մերձաւորք զորձակցութեամբ ընդ ժողովեալ
 Եպիսկոպոսաց յառաջ և զկնի. և չկայր ոք ի կա-
 թողիկեայս, որ հակառակ ինչ միտս ցուցանէր յա-
 մենեսին ի նոսա: Մնայր միայն ընտրութիւնն կա-
 նոնական և այն կատարեցաւ ի 26 նոյեմբեր 1740:

Ասի ի պատմութեան Մանուէլ Վարդապետի թէ
 իբր հինգ ամսօք յառաջ վախճանեալ էր պատրիարքն
 Սսոյ Ղուկաս և Աթոռն մնացեալ թափուր վասն
 չմիաբանութեան Առաջնորդաց:

Յեկեղեցւոջ Սուրբ Աստուածածնի ժողովեցան Ե-
 պիսկոպոսունքն չորեքին, յորոց Աբրահամ ընտրե-
 ցաւ Պատրիարք, ընտրողք էին Եպիսկոպոսունքն Յա-
 կոբ, Մելգոն, և Իսահակ: Յետ ընտրութեան իւրոյ

ձեռնադրեաց Աբրահամ քահանայս և կղերիկոսս, և ի կատարած 1740, ամի ուղևորեցաւ ընդ Սահակ Եպիսկոպոսի գնալ ի Հոովմ:

Այլ չեղև նմա առ ժամն յառաջ վարել զճանապարհ իւր մինչև ի Հոովմ, զի որպէս գրի ի գործս խորհրդարանի հաստատութեան նորա, առ սաստկութեան հալածանաց Հերձելոցն, Աբրահամ յետ ընտրութեան իւրոյ «զամիսս ինչ պատսպարեցաւ ի վանս իւր, զոր կանգնեալ էր յանուն Ամենափրկչին ի Լեառն Լիբանան..... Եւ յետ այնորիկ յամին 1742. յ 13, օգոստոս, դիմեաց ի Հոովմ»: ի հասանել նորա անդր Սրբազան Քահանայապետն Բենեդիկտոս ԺԳ. նշանակեաց նմա տեղի բնակութեան, կարգեաց մասնաւոր ժողով ի հնգից կարգինալաց յ 9 սեպտեմբեր, 1742, և յետ լսելոյ զվճիռ նոցա, ընկալաւ զամենայն ախորժ հաճութեամբ ի 11, նորին ամսոյ:

Ապա հիւանդացաւ Աբրահամ հիւանդութիւն մեծ մերձ ի մահ. և Քահանայապետն ինքին յայց ել նմա ի բնակարան նորին, որպէս և ինքնին յայտ առնէ Բենեդիկտոս ԺԳ, ի կոնդակի հաստատութեան նորին. և այս չէր ի սովորութեան յառաջն, և ոչ կրկնեցաւ յայնմ հետէ մինչև ցայսօր:

Ապա յՑ. դեկտեմբեր, 1742, յաւուր Տօնի Անարատ յղութեան Սուրբ Կոյս Աստուածածնին, մեծահանդէս շքով Քահանայապետն ինքնին եղ ի վերայ ուսոց նորա զվերարկուն (Պալիում) նշանակ լրութեան հայրապետական իշխանութեան: Առատածեռնեաց ևս արտօնութիւնս բազումս, պարգևս մեծս, և ձիրս բարեաց զեղունս:


Էին յայնժամ ի Հոովմ հայ կաթողիկեայ եպիսկոպոսունք ոմանք փախուցեալք անդր յարևելից ի պատճառս հալածանաց, որք են Սուրբիաս Եպիսկոպոս Սարգիս Եպիսկոպոս Կոստանդնուպօլսեցի որ

յամին 1737, տուեալ էր զդաւանութիւն ուղղափառ հաւատոյ առաջի Աբրահամ Արքեպիսկոպոսի, Սարգիս Եպիսկոպոս Եւզոկիացի և Երեմիա Եպիսկոպոս, որք յամին 1714, տկարացեալ էին ի հաւատս: Ի քննութիւն սոցին իրաց պարապեցաւ Աբրահամ կաթողիկոս յետ հաստատութեան իւրոյ, հրամանաւ Սրբազան քահանայապետին, և եղ ի կարգի զամենայն գործս նոցա, նոյնպէս և զայլ պատկանեալս պատրիարքութեան իւրոյ:

Ի 11 յուլիսի, 1743, ել ի Հոովմայ, և խորհէր գնալ դէպ ուղիղ ի կոստանդնուպօլիս ըստ բաղձանաց իւր և ազգին: Ունէր ի ձեռին թուղթս ընծայութեան առ դեսպանս կաթողիկեայ պետութեանց Եւրոպայ, և կոստանդնուպօլսեցիք արարեալ էին պատրաստութիւնս առ ի ընդունել պատուով, և յայլ պէտս կարևորս: Հալածանք միւսանգամ սաստկացեալք, և այլ ևս խոչք խափանարարք հարկ արարին փոխել առ ժամն զմիտս իւր: Բաժանեալ Եպիսկոպոսունք ի Սիս՝ ունելով իւրեանց Պատրիարք, արգելուին զմուտ նորա անդր: Իսկ ի Բերիա ի նմին 1743 ամի, գրաւեալ էր միւսանգամ Եկեղեցի Սուրբ Աստուածածնին ի բաժանելոց: Սմին իրի դեզերեալ յԱլիկուոնա և յԱղեքսանդրիա, ի 6, հոկտեմբեր, եհաս ի վանս Ամենափրկչին ի Գրէմ: Կացեալ զժամանակ մի ի Լիբանան հոգ տարաւ այլ և այլ տեղեաց ի պատրիարքութեան իւրում, յորս պակասէին քահանայք, և այլ իրք, արար ձեռնադրութիւն, որոց պատրաստեալն էին ի մեծ և ի փոքր աստիճանս, և որ այլն ևս:

Փորձ փորձեաց ապա միւսանգամ գնալ հաստատիլ ի կոստանդնուպօլիս, այլ և յայս նուագ նոյն պատճառք և դժուարութիւնք խոչ եղեն նմա: Սմին իրի դարձաւ յետոյ յԱղեքսանդրիոյ Եզիպտացւոց,

կար. կիկիկիո



ուր հասեալ էր, և եկն անդէն ի վանս Ամենափրկչին, և անդ անցոյց այնուհետև զմնացուած կենաց իւրոց:


Յետ այնորիկ պարապեցաւ զժամանակ մի ի չափու ունել զՄարգար Մելքիոր Թուխմանեան Արքեպիսկոպոս Մարտինոյ, որ ի հնազանդութենէ Հայրապետին ազատ զանձն համարէր: Եհաս բանն յատեան Սուրբ Աթոռոյն, որ որոշեաց զվէճն ի նպաստ Աբրահամու, և հարկեցաւ Մարգար խոնարհիլ ընդ ձեռամբ Հայրապետին իւրոյ, և ճանաչել զնա իւր վերնագոյն:

Չեռնադրեաց բազում քահանայս որ ի պէտս վանաց, և որ՝ առաքելութեանց: Եւ ի վերջին ամի կենաց իւրոց Եպիսկոպոսս երիս, զՅովսէփ Վարդապետ Աճէմեան Բերիացի ի վերայ Եղեսիոյ, զՀայր Պօղոս Վարդապետ Կոստանդնուպօլսեցի ի կրօնաւորաց անտի բնակելոց ի վանս Ամենափրկչին՝ ի վերայ Գամասկեայ, զՊետրոս Վարդապետ զիւր քեռորդի ի վերայ Անթապայ:

Խորհեցաւ և կառուցանել միւս այլ վանս ուրոյն ի վանացն, որ ի Գրէմ, ի բնակութիւն պատրիարքին, Եպիսկոպոսաց և ուխտեալ քահանայից: Ասի յոմանց, եթէ առ նովաւ իսկ սկիզբն լեալ էր հիմնարկութեան այնր, յայն յեցեալ, զի ոմանք, որ յառաքելութիւնս, գրելով առ բարեկամսն՝ հարցումն արարեալ են. Չի՞րդ կայ առողջութիւն Վեհին, աւարտեցաւ շինուած վերին վանաց, ելէ՞ք դուք անդր, որ այնպէս իմն ցուցանէ, թէ այն վաղ իսկ սկսեալ էր: Խորհուրդ կառուցանելոյ նոր վանս կայր արդէն իսկ, որոշեալ ևս էր տեղին և այլ ամենայն, որ կարևորն էր. և եղեալ էին բանք ընդ Տեարս երկրին, զոր առ շինութիւն՝ ի ձեռս բերել ըղձանային. այլ մինչև ի գործ անդր մատուցեալ՝ կանխեաց օր-

հաս մահու Աբրահամու Պետրոսի Առաջնոյ պատ-
րիարքի Կիլիկիոյ, և հանգեալ ի Տէր Հայրապետն
խոստովանող, առնուլ զվարձս բազմապատիկ վաս-
տակոց իւրոց ի 1 հոկտեմբեր, 1749, և թաղեցաւ
յԵկեղեցւոջ վանաց Յիսուսի փրկչին ի Գրէմ. եկաց
յԱթոռ պատրիարքութեան զամս իբր ինն :

Յետ վախճանին Եպիսկոպոսունք փոյթ կալան ի
գլուխ հանել զսկսեալ գործն ի պատրաստութիւն
տեղւոյ շինութեան նոր վանաց , և յ13 հոկտեմ-
բեր, 1749, կնքեցին Էլ խազէն Շէյխքն Մըշրէֆ և
Անթուն Գապլան զմուրհակն յանուն Յակոբայ, Պետ-
րոսի, Պօղոսի և Յովսէփայ Եպիսկոպոսաց Հայ կա-
թողիկեայց վասն մասին միոյ բլրոյն ի Պզոմմառ
ընդ արևելս վանացն Գրէմի, 350 մեթրօ բարձր քան
զայն և յերեսաց ծովուն 900 մեթր : Եւ յաւուրն
երկրորդ ձեռն արկին յընտրութիւն նոր պատրիարքի :



ՅԱԿՈԲ Դ. ՊԵՏՐՈՍ Բ.

ՅՈՎՍԷՓԵԱՆ ԲԵՐԻԱՅԻ

2/14 Հուլիս 1749 — 1753

Չամս իբր երեսուն և հինգ գործակից էր յամե-
նայնի նախորդին իւրոյ Աբրահամու յարքեպիսկոպո-
սութեան նորա և ի պատրիարքութեան, ձեռնադրեալ
էր ի նմանէ քահանայ. և ապա յ Յ, մայիսի 1740
Արքեպիսկոպոս: Չէ սա ի չորից անտի եղբարց ա-
նուանելոց որդիք Մուրատի. այլ ուրոյն ի նոցանէ
կոչեցեալ՝ Յովսէփեան: Սատար եղև սա բազմօք շի-
նութեան վանաց Ամենափրկչին ի Գրէմ: Շրջեցաւ
ի բազում քաղաքս և ի տեղիս քարոզութեամբ կա-
թողիկէ հաւատոց, ոչ սակաւք դարձան յուղիղ վար-
դապետութիւն. մանաւանդ յԱնկիւրիա ուր երկու
եպիսկոպոսք ընկալան զուղղափառ հաւատս ընդ բազ-
մութեան ժողովրդեան. գոհութեամբ յիշատակին այս
և այլ այսպիսի գործք նորա ի կոնդակի հաստա-
տութեան, յորում Բենեդիկտոս ԺԳ. անուանէ զնա
առաքեալ Անկիւրացւոց:

Չկնի երեքտասան աւուրց պարապութեան ի 14,
հոկտեմբեր. 1749, գումարեցան յԵկեղեցւոջ վանաց
Փրկչին Յիսուսի ի Գրէմ, Յակոբ Բերիոյ, Սահակ
Քիլիսի, Պօղոս Դամասկեայ, Յովսէփ Եղեսիոյ և Պետ-
րոս Անթապայ, Արքեպիսկոպոսք և Եպիսկոպոսք,
և ընտրեցին ի պատրիարք Տանն Արևիկիոյ, զՅա-
կոբ Արքեպիսկոպոս Բերիոյ որ անուանեցաւ Յակոբ

Պետրոս Բ.: Բացակայ էր միայն Մարգար Մելգոն Արքեպիսկոպոս Մարտինոյ:

Նա ինքն Բենետիկտոս ԺԳ. Քահանայապետ էր յորմէ յ13 սեպտեմբեր 1750, ընկալաւ նորընտիր Հայրապետն ձեռամբ փոխանորդին իւրոյ ի Հոովմ զհաստատութիւն և զվերարկուն զոր հանդիսիւ մեծաւ զգեցաւ ի յիշատակեալ եկեղեցւոջ Ամենափրկչին:

Որպէս ի վեր այսր ասացաւ, աւուրբ յառաջ քան զընտրութիւն Յակոբայ Կաթողիկոսի ստացեալ էին զփոքր մասն մի բլրոյն որ յԱգարակին (մազրաա) Պզոմմառի: Յետ կատարելոյ ընտրութեան, առին զնոց արծաթոյ զայլ ևս մասունս երկրի առ երի առաջնոյն, և անդէն սկիզբն արարին հիմնել զնոր վանս, առ ի բնակութիւն իւրեանց և այլոց միաբան քահանայից. և այսմ առաւելապէս զհետ էին Եպիսկոպոսունք, և ինքնին Հայրապետն ի վերայ կացեալ գործոյն, քաղցր բանիւք քաջալերէր զարհեստաւորսն և զմշակս, այնպէսզի չև աւարտեալ ամին կարի իմն յառաջացեալ էր շինուածն, որպէս յայտ է յարձանագրութենէն, որ կայ դէպ յելս արևու, որ և է «Կերտեցաւ վանս Գերափայլ ձեռամբ Պատրիարքին մաքրափայլ Յակոբ Կաթողիկոս կոչեցեալ յանուն Աստուածածնին կառուցեալ Ռ.ՉԽԹ.» շինուած քարեղէն, հաստակերտ. սրահ կամարակապ մեծակառոյց լայն և բարձր, պահարանք են ընդարձակք յորմն հիւսիսի, և ի հարաւոյ սրահիս տողեալ վեց սենեակք կամարակապք: Ապա կոչեցեալ առ ինքն զկրօնաւորսն իւր, խօսեցաւ նոցա խրատ գեղեցիկ և յորդոր ի պահել զգուշութեամբ զկանոնս իւրեաց որ է իսկ մեծի Հօրն Անտոնի Աբբայի, և օրհնեալ զամենեսին եթող ի նոսա ի կրօնաւորս իւր զվանքն Ամենափրկչին, և մեկնեալ անտի ել ի նոր վանս, զոր նուիրեալ էր Վերափոխման Մօր Տեառն. ընդ նմա

ելին ի կրօնաւորաց անտի Հայր Բարսեղ, և Հայր Թովմաս: Իսկ յետոյ ել ընդ նմա միայն Սահակ Եպիսկոպոս: Յովսէփ Եպիսկոպոս գնաց յայցելութիւն ի Հռովմ. և մնաց անդ զամս հնգետասան և աւելի, ուր կարգեցաւ օգնական (1750) ձեռնադրիչ Արք Եպիսկոպոսին Վրթանիսի, որ ծերացեալն էր, յորոյ ի վախճանելն (1760) ինքն կարգեցաւ ձեռնադրիչ հայ ծիսի ի Հռովմ, ուր և հանգեաւ ի Տէր յամին 1767: Պօղոս Եպիսկոպոս և Հայր Միքայէլ առաքեցան ի Կոստանդնուպօլիս. և մնացին անդ ցմահ Յակոբ Կաթողիկոսի: Պետրոս Եպիսկոպոս գնացեալ ի Բերիա՝ մնաց անդ տարի մի, և ապա եկեալ ի Վերիտոն վախճանի, և ածեալ զմարմին նորա թաղեն յեկեղեցւոջ Ամենափրկչին ի վանս որ ի Գրէմ:

Յետ ելանելոյ ի նորաշէն վանս կառուցին դամբարան, և սանդուխ ելանելոյ ի սրահ զոր խորհէին շինել ի վերայ առաջնոյն: Հիմն արկին եկեղեցւոյն, նոյնպէս և ջրհորոյն: Տնկեցին թթաստանս և այգիս. գնեցին երկու անդս կամ թթաստանս յԱշղուտ գեղջ: Եւ ինքեանք վարէին կեանս աղքատութեամբ. ըստ օրինակի նախնի Միաբանակեցաց:

Կրօնաւորք, որ ի վանս Գրէմի բազմացեալ էին հետզհետէ. այնպէս զի իբրև թողոյց հայրապետն ի կրօնաւորս զայն, թիւ միաբանիցն հասանէր ցերեսուն և հինգ, քահանայք և ուխտեալ աշխատաւոր եղբարք. Սոքա ամենեքին աղերս արկին թախանձանօք կաթողիկոսին Յակոբայ հաւանիլ և հաստատել զկանոնս կրօնի իւրեանց, զոր և կատարեաց նա ժողովով Եպիսկոպոսաց յ 30. աւուր ամսեանն յունիսի յամին 1752, «..... յետ արժանաւոր քննութեամբ քննելոյ զկանոնս, զօրէնս, զսահմանադրութիւնս, որք պարունակին յայս գիրս..... խորհրդակցութեամբ ժողովոյ Եպիսկոպոսաց մերոց հաստատեցաք զնոսա.....»:

Եւ յառաջ քան զվերջին հիւանդութիւն իւր ձեռնադրեաց Եպիսկոպոս Ամասիոյ զԲարսեղ Վարդապետ Բերիացի որդի Տիրացու Գէորգայ ի կրօնաւորաց անտի, որ ելեալ էր ի նոր վանս ընդ Յակոբայ կաթողիկոսի: Եւ Եպիսկոպոս Մարաշոյ զՂուկաս Վարդապետ Անթապցի: Ընտրեալ էր և զՀայր Միքայէլ Գասպարեան յԱրքեպիսկոպոս Բերիոյ և և կոչեցեալ իսկ ի կոստանդնուպօլսէ, ուր գտանէրն նա ընդ Պօղոս Եպիսկոպոսի, այլ կանխեալ օրհասին կնքեաց զարդիւնական կեանս ի 15, մայիսի 1753, և թաղեցաւ յԵկեղեցւոջ Վանաց Ամենափրկչին ի Գրէմ: Բազում գովութիւնս խօսի զնմանէ Մանուէլ Վարդապետ ի պատմութեան իւրում. որպէս և այլք. մանաւանդ զհեզութենէ և զքաղցրութենէ բարուցն, զգթութենէ առ աղքատս, ունէր փոյթ մեծ ի բարգաւաճանս Հօտին իւրոյ առաքինի ի վարս ճոխացեալ բազում ձրիւք, գուն գործեաց ի կառուցումն Վանաց Փոխման Սուրբ կոյս Աստուածածնին, առ որ ջերմ էր յոյժ ի պաշտօն և ի մեծարանս. փայլեաց սրբակրօն վարուք առաջի մեծի և փոքու և օրինակ բարի եկաց ամենեցուն:

Սա եղև մին ի գլխաւոր հիմնարկուաց Զմմառեան և Անտոնեան Միաբանութեանց: — Յետ ժամանակի Անտոնեան կրօնաւորք փոխադրեցին զմարմին սորա որպէս և զԱրքահամու Պետրոսի Առաջնոյ, ի Հոովմ, յԵկեղեցի Վանաց իւրեանց անդ յանուն Սուրբ Գրիգորի Լուսաւորչի, ուր կայ ցարդ, հակառակ բանից ի լրագիրս. որով ուղղել կարծեցին զպատմական վրիպակ, յօդուածոյն որ հրատարակեցաւ յ3872, թիւ Մէճմուլայի ախրար լրագրոյ սեպտեմբեր 25/9, հոկտեմբեր, 1901: Ըստ այսմ շերկբայիմ ասել թէ ստոյգ էր, որ զրեցաւն յայնժամ, և որ երկրորդեցաւն արդ աստէն:

Մ Ի Ք Ա Յ Է Լ Պ Ե Տ Ր Ո Ս Գ .

Գ Ա Ս Պ Ա Ր Ե Ա Ն Բ Ե Ր Ի Ա Ց Ի

11 հունիս 1753 - 1780

Չկնի ութ ակուրց վախճանի Յակոբայ Կաթողիկոսի՝ հասին ի վանս Պօղոս Եպիսկոպոս Դամասկեայ, և Հայր Միքայէլ կրօնաւոր Անտոնեան, ընտրեալն յեպիսկոպոսութիւն Բերիոյ, որ յամաց հետէ կային ի Կոստանդնուպօլիս և ընկալեալ էին հրաման ի հանգուցեալ լուսաւոր հոգւոյն դառնալ անդրէն ի Լիբանան: Չկնի ակուրց հասանելոյ նոցա, եպիսկոպոսունք ժողովեալք ձեռնադրեցին զՀայր Միքայէլ Արքեպիսկոպոս Բերիոյ: Եւ ապա յետ երեսուն և ութ ակուրց պարապութեան ի 23 յունիսի 1753, ժողովեցան յԵկեղեցւոջ Ամենափրկչին ի Գրէմ, Իսահակ Քիլիսի, Պօղոս Դամասկեայ, Ղուկաս Մարաշոյ, Բարսեղ Ամասեայ և Միքայէլ Բերիոյ Արքեպիսկոպոսք և Եպիսկոպոսք և ընտրեցին զսա ինքն զՄիքայէլ Պատրիարք Տանն Կիլիկիոյ, որ անուանեցաւ Միքայէլ Պետրոս Գ.:

Ուրախ եղև Քահանայապետն Բենեդիկտոս ԺԴ, զի կրօնաւորն ընտրեցաւ Պատրիարք, այլ չեղև նմա հաճոյ գործ Եպիսկոպոսացն, որք ձեռնադրեցին և անուանեցին զնա Արքեպիսկոպոս Բերիոյ: Արդարև ասէ Քահանայապետն, իրաւունք են Արքեպիսկոպոսաց և Եպիսկոպոսաց ընտրել զՊատրիարք իւրեանց, այլ ոչ է նոցա, թէև ժողովեալ՝ ընտրել կամ կար-

գել զԱրքեպիսկոպոս կամ Եպիսկոպոս, զի այդ ի-
րաւունք պատկանի պատրիարքին, յետ ընտրութեան
և հաստատութեան նորին: Պատուէր խիստ ի վերայ
դնէ զի մի երբէք այնպիսի ինչ ի գործ դիցի այ-
նուհետև: Գովէ յոյժ զընտրեալն և զընտրողսն այ-
լովն ամենայնիւ, և մեծաւ հանդիսիւ տայ նմա զվե-
րարկուն՝ յանձն փոխանորդին նորա առ այն կար-
գելոյ, որ էր Հայրն Տէգիտերքոս Գասապպաշեան ի
կարգէ Սրբոյն Ֆրանչիսկոսի, ի 6 մայիսի 1754:
Յորոյ ի հասանելն՝ զգեցաւ զայն Միքայէլ Կաթո-
ղիկոս, տօն մեծ և շքեղ կատարեալ ըստ սովորու-
թեան:

Կամէր յառաջ վարել արագ զշինուածս զորոց
զհիմունս արկեալ էր նախորդ իւր, և յայս սակս,
որպէս և առ ի հոգալ զպարէն Միաբանից, կրեաց
նեղութիւն բազում, և խորհէր գտանել հնարս ինչ
զամս չորս տառապեալ և մտահոգ եղեալ, ապա յա-
մին 1758, որոշեաց գնալ ի Հոովմ. ձեռնադրեաց
զՅովհաննէս Վարդապետ զմիւռնացին Արքեպիսկո-
պոս Ամշնոյ, զոր ընդ իւր առեալ գնաց անդր յայ-
ցելութիւն Կղեմայ ԺԳ. որ զկնի Բենեդիկտոսի ԺԴ,
նստեալ էր յԱթոռ սրբոյն Պետրոսի: Մնաց անդ
զամս երկուս, զի էին ևս բազում վէճք վասն սահ-
մանաց իրաւասութեան՝ ընդ մէջ իւր և Առաքելա-
կան փոխանորդին որ նստէր ի Կոստանդնուպօլիս.
Ճիզն դնեն երկուստեք զամս բազումս և ելանէր վճիռ
ի սուրբ ժողովոյն յ30 ապրիլ, 1759, որ յայտ
առնէր. Եթէ կաթողիկեայ Հայք բնակեալք ի Պոն-
տոս, ի Բիւթանիա և ի Գաղատիա, պատկանէին ի-
րաւասութեան Առաքելական փոխանորդին Կոստանդ-
նուպօլսի: Չկարաց զոհ լինել Միքայէլ կաթողիկոս
ընդ այս ամփոփումն, և դարձեալ երկարեցաւ վէճն
զամս բազումս և ել երկրորդ վճիռն նոյնիմաստ,

ի 5 յուլիսի, 1769, յորում յայտնապէս տուեալ լինէին պատրիարքին Եւզոկիա և Բրզնիք, այլ տակաւին զհետ էր առնուլ զտեղիսդ զժամանակ մի ևս:

Կացեալ կաթողիկոսին, որպէս ասացաւ, զամս երկուս ի Հոովմ և նպաստաւորեալ իւրք իւրք զնաց ի Լիվոնո, անդ ևս եզիտ յաջողութիւն յիրս իրս, և դարձաւ ի Լիբանան ի վանս փոխման կուսին ի Չմմառ: Եւ աստ հայրապետն, եպիսկոպոսունք և միաբան քահանայք ձեռն ի ձեռն տուեալ կառուցին զեկեղեցի վանացս նուիրեալ ի պատիւ փոխման Աստուածածնին յերկինս, սրբատաշ քարամբք, կամարակապ և զմբեթայարկ, որ աւարտեցաւ յամին 1771, որպէս տեսանի յարձանագրին, որ ի վերայ Արևմտեան դրան եկեղեցւոյն, որ ունի զայս ձև բանի.

«Կամօք հրամանիւ երկրպագելի միասնական Երրորդութեան, և ձեռնտու արագահաս միջնորդիւ նորին օգնութեան, կերտեալ եղև տունս այս նորա ի գովութեան, ձեռամբ հանուրց հայրապետի ուղղադաւան սրբոյ Աջեան, սրբազան Միքայելի կաթողիկոսի Պետրոս երրորդեան, յանուն կուսի Աստուածածնի մաքրագունի տուն սրբութեան, յամի տեառն 1771. ՌՄԻ»,

Ի հիւսիսակողմն եկեղեցւոյն շինեցաւ աւանդատուն, և ի վերայ սենեակ մեծ, և առ երի այնց սրահ ի վերայ մառանին ժԲ. սենեկօք յարևմտից յարևելս ձգեալ ընդ երկայնութիւն եկեղեցւոյն ի հիւսիսոյ: Եւ յառաջքան զայսոսիկ աւարտեալ էր ի հարաւակողմն եկեղեցւոյն, նոր սրահ ի վերայ հնոյն վեց սենեկօք և կամարակապ սրահիւ: Շինեցաւ ևս ջրհոր կամ ջրամբար մեծ զառաջեաւ գաւթի եկեղեցւոյն յարևմրտից կուսէ, և ի կառուցումն այսոցիկ ամենայնի աշխատ եղեն յոյժ ինքն և իւրքն մեծաւ դժուարութեամբ և զոհողութեամբ:

Յետ այնորիկ գնեցին թթաստան մի ի Պաթհա գեղջ, և միւս այլ յԱրապըլըզէն. Բարսեղ եպիսկոպոս, որ ունէր զփոխանորդութիւն կամ զԱթոռակալութիւն տնկէր տունկս թթենեաց և ջանայր ի բարւորումն կալուածոց: Յամին 1770 Ներսէս Սարգիս հայ ազգաւ պարգևեաց զազարակն Շարամպարէյ ի Չղարթա:

Ի սկզբան անդ պատրիարքութեան Միքայէլի մեկնեալ ի վանաց Պօղոս եպիսկոպոս Գամասկեայ գրնացեալ էր յարևմուտս, այլ ի ճանապարհի կնքեաց զկեանս իւր հասեալ ի կղզին Սարտենիոյ: Ի նմին ժամանակի և Ղուկաս եպիսկոպոս Մարաշոյ գնաց ի Կոստանդնուպօլիս, և մնաց անդ մինչև ցմահ իւր՝ որ եղև յամսեանն օգոստոսի 1795: Ի խոր ծերութիւն հասեալ էր և Իսահակ եպիսկոպոս Քիլիսի, որ զամենայն ժամանակս եպիսկոպոսութեան իւրոյ բնակեալ էր ի վանորայս, նախ ի Գրէմ և ապա ի Չըմմառ, սրբակրօն վարուք օրինակ բարի ամենեցուն լեալ, և ննջեաց ի Տէր յամին 1768:

Յովհաննէս Չմիւռնացի որ յետ ձեռնադրութեան իւրոյ գնացեալ էր ընդ Միքայէլ կաթողիկոսի ի Հոովմ, իբրև դարձաւ անտի, գնաց ի Կոստանդնուպօլիս և մնաց անդ:

Չեռնադրեաց Միքայէլ կաթողիկոս զայլ ևս եպիսկոպոսունս, որոց անուանքն են.

Պօղոս վարդապետ Լէոնեան Ախալցխացի աշակերտ Ուրբանեան դպրոցի, ձեռնադրեցաւ եպիսկոպոս ի վերայ Տայոց աշխարհին, ուր կրեաց բազում հալածանս, տարեալ եղև յԷջմիածին, արկաւ անդ ի բանտ, յորմէ զերծեալ խնամովքն Աստուծոյ, գնաց ի Հոովմ, և ի 10 սեպտեմբեր, 1774 կարգեցաւ ձեռնադրիչ հայ աշակերտաց ի մայրաքաղաքի անդ և յետ մետասան ամաց վախճանեցաւ յամին 1785:

Յովհանն վարդապետ Ամդեցի ձեռնադրեցաւ ի վերայ Չմիւռնիոյ, զնաց ի Բերիա, յԱմիդ և ի Կոստանդնուպօլիս, ուր և մեռաւ:

Պօղոս վարդապետ Գուպէեան Բերիացի ի վերայ Գամասկեայ, որ առաքեցաւ յԵգիպտոս, և մնաց անդ զամս մետասան:

Յովհաննէս վարդապետ Թասպառեան ի վերայ Մարտինոյ: Եկաց յԱթոռ իւր զամ մի, զնաց ի Հռովմ և անդ վախճանեցաւ, և ընտրեցաւ փոխան նորա

Յովսէփ վարդապետ Պալիթեան աշակերտ Ուրբանեան դպրոցի և ձեռնադրեցաւ ի Միքայէլ կաթողիկոսէ: Ի դարձին յԱթոռ իւր, առաքեցաւ ի սուրբ ժողովոյն տարածման հաւատոյ ի Պաղտատ, առ ի քննել զգործս Նեստորականաց և կաթողիկեայ պատրիարքի նոցա: Եւ երբ դառնայր անդրէն ի վիճակ իւր հարաւ ի խորշակէ և ննջեաց ի տէր ի Մօսլ քաղաքի, զամս չորս և եթ կացեալ յիշխանութեան իւրում:

Եւ կարգեցաւ ի Միքայէլ կաթողիկոսէ եպիսկոպոս Մամպտոյ Պետրոս վարդապետ Եղիազարեան Անկիւրացի, որ կալաւ զաթոռն զամս ԺԲ.

Չեռնադրեաց ևս զԳրիգոր վարդապետ Քիլիսցի եպիսկոպոս Ատանոյ, որ առժամն մնաց ի վանս:

Մեծաջան հայրապետն փոյթ մեծ կալաւ մարզել զպատանիս եկեալս ի կղերիկոսութիւն և ինքնին իսկ հոգ տանէր ուսման նոցա և հրահանգաց, որպէս և ի ձեռն բանիբուն վարդապետաց, և զի պակասէին տեղի և այլ կարևորք ի պարէն և յայլ պէտս, գրեաց կոնդակս և կարգեաց իւր փոխանորդ զԱնդրէաս վարդապետ Ուզունեան, այլ յաւուրս նորա չեղև մեծ ինչ յաջողութիւն:

Յուզէին տակաւին վէճք վասն Եւդոկիոյ և Բըր-

գնիկոյ, նաև յետ վճռոցն 30 ապրիլ, 1759, և ի 5 յունիսի. 1769, յորս յայտնապէս նշանակեալ էին, թէ այնք պատկանին պատրիարքին Կիլիկիոյ: Սմին իրի ի 22 դեկտեմբեր, 1776, բողոք կալաւ առ սուրբ ժողովն, յորմէ ընկալաւ պատասխանի յ19, ապրիլ 1777. օրինակ զայս: «Կարի իմն դժկամակեցան վսեմ. ընկերակիցք ի լսելն թէ Գեր. Ա. թանա ու Մէրաս միջամուխ լինի ի հոգևոր կառավարութիւն Հայոց բնակելոց Եւզոկիա և ի Բրզնիք. որք անշուշտ Չերումդ իրաւասութեան պատկանին: գրեսցի առ նա ինքն զի ի բաց կացցէ գլխովին՝ ձեռնամուխ լինելոյ յայսմ հետէ ի հայ ազգիսն գրտեալս ի նախասացեալ տեղիսդ. և մի առաքել բնականդր քահանայս: » Եւ այսու որոշողութեամբ վերջ եղև ամենայն վիճից, որ վասն Եւզոկիոյ և Բրզնիքոյ:

Իսկզբան հայրապետութեան Միքայէլի էին ևս խնդիրք ինչ վասն Միջագետաց և Եգիպտոսի, որք աւագութեան սրբոյ Աթոռոյն ի գլուխ ելին ի նպաստ պատրիարքութեան:

Չամս իբր իէ. կալեալ զԱթոռն լի արդեամբ հանգեալ ի տէր Միքայէլ Պետրոս Գ. ի 16, ամսեանն նոյեմբերի յամին 1780: Բազում գովութիւնս խօսի զամանէ քահանայապետն Պիոս Զ. ի կոնդակի հաստատութեան յաջորդի սորա յիշելով և զբանս Բենետիկտեայ ԺԳ. թաղեցաւ յեկեղեցւոջ սուրբ Աստուածածնի ի Պժումմառ:

Յաւուրս սորա նստան ի Սիս հետ զհետէ Միքայէլ և Գաբրիէլ, և որդի տէր Մարկոսի եղբօր սոցա՝ Եփրեմ Ա.: Իսկ յէջմիածին Մինաս, Աղեքսանդր, Սահակ, Յակոբ, և Սիմոն և ի Կոստանդնուպօլիս կացին պատրիարք, Մինաս, Գէորգ, Յակոբ Նալեան Մանուէլ ոմն անուն երէց, այր խռովայոյզ, զբզոեաց

հալածումն ընդդէմ կաթողիկեայ Հայոց, իբր թէ
 լրտեսք իցեն: Իսկ Յակոբ պատրիարք զբեաց թուղթ
 յարգութեան ի Հոովմ յամին 1761, յորմէ առաւել
 ևս զրգոեցաւ երէցն այն դառնացեալ, սկսաւ զըր-
 պարտել և զպատրիարքն իսկ, այլ նա զօրացաւ և
 պաշտպան ևս եկաց կաթողիկեայց:



ԲԱՐՍԵՂ Բ. ՊԵՏՐՈՍ Դ.

ԱՎԳԱՏԵԱՆ ԲԵՐԻԱՅԻ

19 Գ.ՅՄ. 1780 - 1788

Երեք միայն եպիսկոպոսունք գտանէին ի վանս ի մահուն Միքայէլ կաթողիկոսի, այն է Բարսեղ Ամասիայ, Պօղոս Դամասկեայ և Գրիգոր Ատանոյ, ի ժողովիլ սոցա ի միասին. խորհեցան խորհուրդ ձեռնադրել եպիսկոպոս զԳաբրիէլ վարդապետ Ղազիւլեան, իբր զի ընտրեալ էր ի հանգուցեալ պատրիարքէն յանուն Աթոռոյն Բերիոյ, զոր ի գործ եղեալ նախ, ապա յետ քսան և հինգ աւուրց պարապութեան ի 1 դեկտեմբեր 1780, գումարեցան ի ժողով յեկեղեցւոջ վանաց փոխման կուսին ի Պզումմառ, եպիսկոպոսունք յիշատակեալք ի վեր և ընտրեցին զԲարսեղ եպիսկոպոս Ամասիոյ, որ կոչեցաւ Բարսեղ Պետրոս Դ: Երիցագոյն էր սա ի մէջ եպիսկոպոսաց և կացեալ առ երիւք իւրովք նախորդօք, օգնական և ձեռնտու եղև նոցա յամենայնի, վարեալ զայլ և այլ պաշտամունս ի քահանայութեան և յեպիսկոպոսութեան, պերճացեալ իմաստութեամբ, սրբութեամբ և խոհականութեամբ: Գովէ զնա մեծապէս ի կոնդակի հաստատութեան նորա Պիոս Զ. խոստովանող քահանայապետ: Տուչութիւն վերարկուին եղև ի 21 յունիսի, 1781, ի ձեռն փոխանորդի առ այն կարգելոյ, որպէս էր իսկ ի սովորութեան: Եւ ի հասանել այնր առ ինքն զգեցաւ շքեղ հանդիսիւ:

Բացակայ գտան յընտրութեան սորա Ղուկաս եւ պիսկոպոս Գերմանիկոյ, և Պետրոս Մամպուտայ վասն հեռաւորութեան վայրացն, և վասն այլ ևս դժուարութեանց:


Շինեցաւ առ սովաւ ներքնատուն կամարակապ, վեց յաղթ ոտնակապօք, արտաքոյ վանաց որ աւնուանէր իջևան (Մէնչուլ), յարևելից կուսէ, երեսուսուն կանգուն յերկայնութիւն և ութ ի լայնութիւն: Տնկեցաւ և թթաստան ընդարձակ հանդերձ նորաշէն տամբ:

Փոյթ մեծ ունէր բարգաւաճանաց ընծայարանին, սմին իրի հաստատեաց զփոխանորդութիւն Անդրէաս վարդապետի Ուզունեան, որ ծանօթացաւ ընդ Եդուարդ Աղայի Ռաֆայելեան և Միքայէլ Աղայի որդւոյ տեառն Յովհաննու Բարումեան, մեծամեծ հայ վաճառականաց ի Մատրաս յամին 1786: Կամէր կառուցանել սրահ նոր ի հիւսիսոյ վանաց, կից առաջնոյն, ներքնատուն և վերնատուն վասն աշակերտաց, այլ ոչ ժամանեալ ձեռն ի նոյն արկանել, յանձն արար զի յաջորդն իւր ի գլուխ տարցէ զայն:

Իսկզբան անդ հայրապետութեան Բարսղի յամին 1780 Չաքարիա պատրիարք Կոստանդնուպօլսի յարոյց հալածան. ընդդէմ կաթողիկեայ Հայոց զոր սաստկացոյց յոյժ յաջորդ նորա Յովհաննէս Համատանցի յամին 1781, որպէս զրէ Աւետիս Պէրպէրեան: Ժողովէր իբրև հայր զթաժ առ ինքն կաթողիկոսն սուրբ զփախուցեալսն, և խնամ տանէր նոցա: Առաքէր քահանայս ի Միաբանից Չմմառի, և ի կրօնաւորաց Գրէյմի, զորս ձեռնադրէր հետզհետէ. առ ի մխիթարութիւն հօտին իւրոյ տազնապելոյ ի բազում տեղիս յեղբայրատեաց Առաջնորդաց:

Յաւուրս սորա Գրիգոր Արքեպիսկոպոս Ատանոյ ի հրամանէ սրբոյ ժողովոյն և հաւանութեամբ պատ-

րիարքին իւրոյ շրջեցաւ նուիրակութեամբ ի բազում
 տեղիս, մանաւանդ ի Մեծն Հայս, ինամ տանելով
 հաւատացելոց, և յամենայն ուրեք կատարելով զգործ
 առաքելոյ Քրիստոսի, ձեռնադրեաց ևս՝ քահանայս և
 երիցունս ըստքաղաքաց, ուր ուրեք պէտք էին: Եւ
 մինչ նա դառնայր անդրէն ի վանս, հանգեաւ ի Տէր
 Արքեպիսկոպոսն Մամպրտոյ Պետրոս Եղիազարեան,
 և կղերն և ժողովուրդ այնր քաղաքին աղերս մա-
 տուցանեն ի Հոովմ, զի սա ինքն Քրիգոր եպիսկոպոս
 լիցի իւրեանց հովիւ: Այլ հազիւ հասեալ նորա ի
 վանս, կնքեաց սրբակրօն հայրապետն Բարսեղ Պետ-
 րոս զկեանս իւր և հանգեաւ ի տէր ի Ծ. փետրուա-
 րի, 1788, ծանրացեալ հասակաւ և զեղուն առա-
 քինութեամբք, զորս եթող իւրոցն յիշատակ բարի
 ի հաճոյս Աստուծոյ: Եղաւ ի դիր հանգստեան յեկե-
 դեցւոջ վանաց փոխման սուրբ կոյս Աստուածաձ-
 նին ի Պզոմմառ:



ԳՐԻԳՈՐ ԺԲ. ՊԵՏՐՈՍ Ե.

ՔԻՒԲԵԼԵԱՆ ՔԻԼԻՍՅԻ

29 Ապրիլ 1788 - 1812

Ի մահու անդ Բարսղի կաթողիկոսի՝ պարապեալ էր Աթոռն Մամպտոյ, որպէս ասացաւ: Ղուկաս եպիսկոպոս կայր ի կոստանդնուպօլիս ծերացեալ յոյժ, որ և կնքեաց անդ զկեանս իւր յամսեանն օգոստոսի 1795, Գաբրիէլ եպիսկոպոս գնացեալ էր ի վիճակ իւր ի Բերիա, ոչ յայտնի այլ իբր ի ծածուկ վասն ահին համազգեաց, ուստի և կային ի վանս երկու եպիսկոպոսունք միայն, Պօղոս Դամասկեայ, և Գրիգոր Ատանոյ, որ նորոգ դարձեալ էր ի նուիրակութենէ իւրմէ: Սոքա երկոքին ազդ արարին Արքեպիսկոպոսին Բերիոյ փութալ զալ ի վանս, և նա ոչ անազանեաց հասանել: Հաւատացեալք Մարտին քաղաքի զհետ էին զԳրիգոր զԱրքեպիսկոպոսն Ատանոյ ունել իւրեանց հովիւ, այլ ոչ այն ել ի գլուխ, զի եպիսկոպոսունքն յիշատակեալք, Պօղոս, Գաբրիէլ և Գրիգոր, ի խորհուրդ մտեալ բազում անգամ ապա յետ երից ամսոց և հինգ աւուրց պարապութեան ի 11 ամսեանն մայիսի յամին 1788, Արքեպիսկոպոսն Ատանոյ ընտրեցաւ պատրիարք, և կոչեցաւ Գրիգոր Պետրոս Ե. Այր սքանչելի և ըստ սրտին Աստուծոյ, որպէս անուանէ զնա Ղևոնդ Արքեպիսկոպոս Մելիտինոյ: Ի 15. դեկտեմբերի 1788, եղև տուչութիւն վերարկուին ի Պիոսէ Է. ի ձեռն փոխա-

նորդի, հանգոյն նախորդ պատրիարքաց: Իսկ վասն ժամանակի զգենլոյ նորա զայն, գրէ Մանուէլ վարդապետ ի պատմութեան իւրում. «Յամի Տեառն 1789, յերկրորդ ամի պատրիարքութեան նորա եկն եհաս հաստատութիւն և եմբիփորոնն զոր զգեցաւ յաւուր տօնի հոգեգալատեան: Եւ ի նմին ամի հաստատութեան նորա ձեռնադրեաց զտէր Յովակիմ եպիսկոպոս ի վերայ Մամպտոյ քաղաքին, որ է Մերտին, յաւուր տօնի վերացման սրբոյ խաչին»:

Յամին 1791, սեպտեմբեր 29, ի տօնի սրբոյն Միքայէլի (ըստ լատին ծիսի) եղև համաձայնութիւն ընդ Միքայէլ Աղայի որդւոյ տէր Յովհանի Բաբումեանց, ի պէտս ծախուց վեց պատանեաց հրահանգելեաց ի կոչումն եկեղեցականութեան, այլ և այլ պայմանօք. ամաւ յառաջ եղեալ էին բանակցութիւնք վասն այսր իրի, որպէս յայտ է ի թղթոյ սուրբ ժողովոյն գրեալ ի 1 օգոստոս, 1790. յորում բանք լինին զկանոնաց և զբարեկարգութենէ, զոր սրբազան հայրապետն յօրինեալ և ժողով եպիսկոպոսաց հաստատեալ էր յերկրորդ ամի հայրապետութեան իւրում ի 1789. և առաջարկեալ սուրբ ժողովոյ տարածման հաւատոյ: Որ ծանոյց զիւրն հաւանութիւն ընդ այնուսիկ սահմանադրութիւնս և կանոնս բարեկարգութեան:

Մինչդեռ այս բանակցութիւնք լինէին ընդ յիշատակելոցն ի վեր, ձեռն արկին ի կառուցանել շինուած մեծ ի հիւսիսակողմն ջրհորոյն, որ յայնժամ ի կիր արկաւ իբր սեղանատուն հասարակաց, ապա զկնի ժամանակաց կարգեցաւ ի մառան և կառուցան ի վերայ այնր տասն սենեակք երկուստեք և սրահ ի միջի ունելով, կից այնմ, որ շինեալ էր յաւուրս Միքայէլի Պետրոսի Գ: Եւ այս ըստ բաղձանաց և ըստ յանձնարարութեան Բարսղի կաթողիկոսի, այլ միտք Գրիգորի էին ի մեծագոյնն ևս ձեռն արկանել շինուած:

Թէպէտ անդատին յօրէ անտի հիմնարկութեան վանաց փոխման Ամենասուրբ կոյս Աստուածածնին իղձ լինէր պատրաստել ընծայարան բաւական ի հրահանգութիւն կոչեցելոցն ի պաշտօն և ծառայութիւն Տեառն Աստուծոյ, և ի խնամս հօտին Քրիստոսի, Թէպէտ յաւուրս Միքայէլի և Բարսղի աստուածաբեալ պատրիարքաց եղեալ էր սկզբնաւորութիւն ինչ թերակատար, և ինչ ինչ պատրաստութիւնք առ յառաջացուցանել զայն: Այլ պահեալ էին Գրիգորի Պետրոսի, և երանաշնորհն հայրապետի փառք՝ ի կատար հասուցանել զայս գործ մեծ և կարևոր. մինչև կարի յիրաւունս անուանէ զսա Ղևոնդ Արքեպիսկոպոս Խոռխոռունի հիմնադիր միաբանութեանս, որ ի Պզոմմառ:

Գրիգոր կաթողիկոս յեպիսկոպոսութեան իւրում շրջեալ յարևելս, ուր բնակին որդիք սրբոյ հօր Լուսաւորչին, ի խնամել զհաւատացեալս ի Քրիստոս, և որ այլն ևս, հաւաքեալ էր ի հայ որերոյ անտի գումար ինչ յանուն դպրոցի: Յետ ամբառնալոյն յաթոռ հայրապետութեան և կառուցման սենեկաց տասնից յիշատակելոց, բանակցեալ ընդ սրբոյ Աթոռոյն ժողովեաց մանկունս ուշիմս, այլ կարի սակաւ թուով, յամին 1791, սկիզբն արար նորոյ ընծայարանին: Ապա ի նմին ամի աւարտէր և բանակցութիւն ընդ մեծի բարերարի դպրոցին ընդ Աղա Միքայէլի Բաբումեանց, և ի հասանել անդ նպաստից մասն առ մասն, ձեռն արկանէր այնուհետև կանգնել շինուած մեծակառոյց ի հարաւակողմն, հանդէպ իւրակերտ շինուածոյն առաջնոյ: Եւ էին սրահք երկու կամարակապք, ներքնատուն և վերնատուն ի վերայ, քսան սենեկօք, և կրկին ուսումնարանօք, որք և աւարտեցան յամին 1810, ուր և փոխադրեցան աշակերտք, որոց թիւ աճեցաւ ցվեշտասան: Եւ

ընծայարանն նուիրեցաւ ի պատիւ սուրբ Միքայէլի հրեշտակապետի, յանուն զլիսաւոր բարերարին Ադա Միքայէլի Բաբումեանց, որոյ պայմանք կատարին անխափան մինչև ցայսօր:

Գրիգոր կաթողիկոս սահմանեաց և վասն աշակերտաց կարգս և կանոնս, բազմացոյց զքահանայս և առաքեաց ուրանօր պէտք էին, զի չկայր յաւուրս նորա խստութիւն հալածանաց, թէպէտ և ոչ կատարեալ ազատութիւն: Քաջ ի դէպ զրէ զսմանէ Ղեւոնդ Արքեպիսկոպոս Խոռխոռունի «Փայլեաց ամենայն սրբութեամբ, պայծառացաւ սքանչելագործութեամբ իբրև զմի ոք ի նախնի հարց»:

Չեռնադրեաց եպիսկոպոս յամին 1805, զՄանուէլ վարդապետ ի վերայ Ատանոյ ի 1806 զՅակոբ վարդապետ Հօլասեան ի վերայ Ամասիոյ, և զՊետրոս վարդապետ Ճերանեան քիլիսցի ի վերայ Մարաշոյ: Ի 1811, զԳաբրիէլ վարդապետ Խտէյտէյտեան Բերիացի ի վերայ Բերիոյ: Եւ հուսկ ապա ի վերջին ամի հայրապետութեան իւրում, կոչեաց խորհրդով եպիսկոպոսաց զՅովհան վարդապետ Կիրակոսեան եւդոկիացի, և ձեռնադրեաց զնա յանուն Գամասկեայ, որ և էր ջերմեռանդն յոյժ ի պաշտօն սուրբ կոյս Աստուածածնին:

Յաւուրս սորա գնեցաւ կալուած մեծ ի Մազրա, և այլք ի Չմմառ և այլուր, իսկ ի Ղատիր ութ թթաստանք, ստորև Ղատիրի ի դաշտին ձիւնէի յամին 1809, երկիր ընդարձակ՝ զնով 1240, ի Եադուպ Հայքելէ (պարտի լինել մասնն ստորին այժմու ոռոգեալ երկրին) յորում յամին 1811, պեղեցաւ ջրհան (վառւրա) ծախուք 2200 դահեկանաց:

Լցեալ լիացեալ այսչափ մեծամեծ արդեամբք, վերացաւ առ անձկալին իւր Քրիստոս, ի խոր ծերութեան յ17, յունիսի 1812, և թաղեցաւ յեկեղեցւոջ վանաց փոխման սուրբ կոյս Աստուածածնին ի Պզոմմառ:

ԳՐԻԳՈՐ ԺԳ. ՊԵՏՐՈՍ Զ.

ՃԵՐԱՆԵԱՆ ՔԻԼԻՍՅԻ

1812 - 1841

Զաւուրս վեց միայն մնաց Աթոռն պարապեալ և յաւուր եօթներորդի գումարեցան յեկեղեցւոջ վանաց Զմմառի Արքեպիսկոպոսք և եպիսկոպոսք. Մանուէլ Ատանոյ, Պետրոս Գերմանիկոյ. Յակոբ Ամասիայ, Գաբրիէլ Բերիոյ և Յովհան Գամասկեայ ի 23 յունիսի 1812. և ընտրեցին ի պատրիարք զՊետրոս եպիսկոպոս Գերմանիկոյ, և կոչեցաւ Քրիզոր Պետրոս Զ. : Իսկ Յովակիմ Արքեպիսկոպոս Մարտինոյ ոչ կարացեալ առաջիկայ գտանել վասն վայրացն բացակայութեան՝ թղթով ետ զիւրն հաւանութիւն :

Եւ զի քահանայապետն Պիոս Է. յաքսորս էր յայնժամ, և վսեմ. կարգինալք ցրուեալք, կայր ի Հռովմ տեղակալ գահերիցու սուրբ ժողովոյն տարածման հաւատոյ Հայր Յովհաննէս – Մկրտիչ Գուարանթոթթի, որ ի հրամանէ և յանուն քահանայապետին ետ զհաստատութիւնն ի 10 մարտի 1813, առաքելական իշխանութեամբ, այլ զհանդէս տուչութեան վերարկուին պահեալ էր անձին Պիոս Է. զոր և յետ յաղթական դարձին ի Հռովմ յԱթոռ իւր՝ կատարեաց մեծահանդէս յ19 սեպտեմբեր 1814: Քաջ էր սա յուսմունս աստուածաբանութեան, յիրաւարանութեան և յայլ մակաժութիւնս, գիտակ էր հայ, լատին, իտալական, թուրք և արաբ լեզուաց : Այր

սքանչելի յառաքինութեան և փոյթ ի փրկութիւն հոգւոց. քարոզէր անձամբ ի քահանայութեան, յեպիսկոպոսութեան, և ի հայրապետութեան իսկ իւրում: Ունէր համբաւ մեծ սրբութեան և գիտութեան առաջի մեծի և փոքու, եկեղեցականաց և աշխարհիկ անձանց, ոյր ուրուք խնդիր ինչ, կամ տարակոյս, կամ կնճիռն ընդ առաջ ելանէր, դիմէին առ նա վստահութեամբ, առ ի զլուծումն այնր առնուլ, և նա ընդունէր զամենեսին քաղցրութեամբ: Համարումն նորա մեծ էր և յարգի առ սրբոյ Ս. Թոռոյն:

Չարտաքին գործառնութիւնսն, որպէս և զմատակարարութիւն ելից և մտից վարէր փոխանորդն իւր կամ աթոռակալ Յակոբ եպիսկոպոս Հօլասեան, որ հրամանաւ նորին բազմացոյց զկալուածս վանաց յայլ և այլ գիւղօրէս Քէսրուանու իբր հարիւր մասունս երկրի, կիցս միմեանց կամ բաժանեալս, ի գին առաւել քան հազար հինգ հարիւր օսմանեան լիրայից, յորմէ և կալուածն գնեալ 1837-8-9-40. ի Չպտին և Մըշէն, զովողութեամբ ընդ Թաննուս Պիսկէնթէուի. վճարեալն ի վանաց 30310 ¹/₂: Եւ ի Չամառ ոչ սակաւ կալուածս:

Ի սորա աւուրս կառուցան սեղանատունն մեծ, խոհանոցն և առ նովաւ շինուած ներքնատուն, և ի վերայ այնր սրահ խոնարհ՝ երրեակ սենեկօք և մի պատշգամաւ ցբարձրութիւն խոհանոցին, յորոց և ի կիսոյ մասին խոհանոցին վերայ կառուցան սենեակք երկու մեծք, և ի հանդիպոյ սենեակ մի և կամարակապ գաւիթ: Շինեցաւ ևս ջրհոր մեծ ի ստորե թթաստանաց ընդ արևելս մեծածախ յոյժ, և առ նովաւ ներքնատուն մեծ և ընդարձակ, և այլ ևս շինութիւնք, այլ ոչ ըստ արուեստի ճարտարապետաց, և ոչ այնպէս ամրակուռ. թէպէտ թանձր որմովք պատեալ: Ընդ որ ոչ ասենեքին ի միաբանից հաճ և հաւան գտանէին, նա զի և տրտունջք լսելի եղեն:

Հինգ Եպիսկոպոսունք ձեռնադրեցան ի Գրիգոր Պետրոս Զ. կաթողիկոսէ, Ստեփանոս վարդապետ Հօլասեան անկիւրացի ի վերայ Ատանոյ: Աբրահամ վարդապետ Քիւրեղեան Անթապցի. և յետ մահու նորա Բարսեղ վարդապետ Այվազեան բերիացի ի վերայ Բերիոյ: Միքայէլ վարդապետ Տէր Աստուածատրեան բրզնիկցի ի վերայ Կեսարու Գամրաց: Եւ Յովսէփ վարդապետ Փարրայեան բերիացի ի վերայ Մարտինոյ:

Յաւուրս սորա եղև հալածումն մեծ յոյժ, դրդամամբ կարապետ պատրիարքի և ոմանց ի մեծամեծացն Հայոց, ի 27 դեկտեմբերի 1827, աքսորեցան Տիւզեանք և Թնկրեանք ի Կեսարիա և այլք այլուր. հետրզհետէ բազմացան բանդարկութիւնք, շղթայք և տարագրութիւնք ի Կոստանդնուպօլիս և յայլ ևս քաղաքս և տեղիս. ի 14 յունիսի 1828 հասանէ ի վանս Գրիգոր վարդապետ Սարրաֆեան կարնեցի և ընդ նմա ժգ քահանայք կողմանցն կարնոյ, և ի 15 նոյեմբեր, ժամանեն այլ ևս իդ քահանայք ի Քիւլլիւ գեղջ, ի Խոտորջրոյ, ի Տարոնոյ և այլոց կողմանց, մեծաւ մասամբ ձեռնադրեալք ի Մերտին: Կացին մնացին ի վանս մինչև ցելս հալածանաց. ոմանք կնքեցին աստէն զկեանս իւրեանց, զի վնասեալ էին յոյժ յահէ հալածանացն և տառապանաց երկայն ճանապարհին: Խնամ մեծ եցոյց նոցա հայրապետն բարեգութ. որպէս և Եպիսկոպոսք և միաբանք, որով բազմաց յառողջութեան պատասպարեալ դարձան ի հայրենիս և ի տեղիս իւրեանց: Ի պատճառս մեծամեծ ծախուց, զոր յայն սակս առնել հարկ եղև, և վասն ի վերայ հասեալ արշաւանի Եզիպտացւոցն յԱսորիս՝ փակել ստիպեցան զընծայարանն զամսինչ. և սակաւք յոյժ գային այնուհետև յաշակերտութիւն ի վանս, այնպէս զի յամին 1835, վեց միայն գտանէին պատանիք ի դպրոցի աստ:

Յամին 1830, յամսեանն յունուարի հրովարտա-
կաւ մեծի Արքային սուլդան Մահմուտայ, դադար
առնոյր հալածումն կաթողիկեայ Հայոց, և դարձան
աքսորեալքն առ հասարակ յիւրաքանչիւր բնակու-
թիւնս իւրեանց, և ծանուցան կաթողիկեայք հասա-
րակութիւն ուրոյն:

Ի հաստատել իսաղաղութեան և անդորրութեան
կաթողիկեայց յամենայն տեղիս լայնածաւալ պետու-
թեանց, արքեպիսկոպոսն Բերիոյ, հաստատեաց այ-
նուհետև զբնակութիւն իւր ի վիճակի իւրում. վաղ
իսկ արքեպիսկոպոսն Մարտինոյ բնակէր յիւրումն:

Յ. 3 մարտի 1831 Միքայէլ արքեպիսկոպոս կե-
սարիոյ առաքի ի Սեբաստիա, Եւզոկիա, Բրզնիկ և
Կիւրին, իբր կաթողիկոսական փոխանորդ կողմանցն,
որ համարէրն առանձինն թէ՛մ պատրիարքին: Եւ-
մնային ի վանս միայն Յակոբ եպիսկոպոս Ամասիոյ
Աթոռակալ, և եղբայր նորա Ստեփանոս եպիսկո-
պոսն Ատանոյ:

Չկնի հրատարակութեան կաթողիկէ հասարակու-
թեան, համարէր իմն այնպէս, եթէ իրաւասութիւն
պատրիարքին Կիլիկիոյ ծաւալեսցի առ ամենեսին,
իբր զի բարձեալ էր պատճառ ամփոփման իշխանու-
թեան նորին, այլ առ ժամն այլազգ իրքն տնօրի-
նեցան, և քահանայապետն Պիոս Ը. ի դէպ դատե-
ցաւ կանգնել ի 6 յուլիսի 1830, զԱթոռ գահերէց
Արքեպիսկոպոսութեան կոստանդնուպօլսի, որոյ իրա-
ւասութիւն տարածէր ի կողմանս մինչ փոքուն Ասիոյ
և Հայոց մեծաց, այլ առանց վնասելոյ իւրիք իշխա-
նութեան պատրիարքին Կիլիկիոյ յամենայն տեղիս,
որք զայնմ Աթոռոյ կախեալ էին: Առաջին նախա-
գահ եղև Անտոն Նուրիճանեան որ զձեռնադրութիւն
եպիսկոպոսութեան ընկալաւ ի կարգինալ Մուռլայէ
ի 11 յուլիսի. այլ զի սա հպատակէր Աւստրիական

պետութեան, ոչ եղև ընդունելի յաչս Բարձրագոյն Գրան. ուստի և անուանեցաւ պատրիարք արքունի կամ ազգապետ՝ Յակոբ վարդապետ Մանուէլեան յամսեանն մայիսի 1831, որ հոգ տանէր միայն ժամանակեայ իրաց. առանց խառնելոյ յԵկեղեցականս և ի հոգևորս. զամս երկուս և զամիսս ութ վարեալ սորա զայն իշխանութիւն, հանգեաւ ի տէր:

Յաջորդ եղև նմա յարութիւն վարդապետ Չուխաճեան ի միաբանութենէ Վիէննայի յ 2 փետրուար 1734, այլ ոչ յերկարակեաց լեալ վախճանի:

Եւ ընդ նորա կայ ի նոյն պաշտօն Ազգապետութեան Հայր Գրիգոր վարդապետ Էնքսէրճեան ի նոյն ուխտէ Վիեննացոց ի 15 ապրիլ 1835, և այլք հետզհետէ ոչ սակաւ ժամանակս:


Այլ որպէս ասացաւ, հոգևորականն իշխանութիւն ոչ սոցա, այլ նախագահ Արքեպիսկոպոսին պատկանէր, զոր վարեաց Անտոն Արքեպիսկոպոս Նուրիճանեան ցմահ իւր: Եւ յաջորդեաց զնա յամին 1838. Պօղոս Մարուշեան՝ որ անուանեալն էր Արքեպիսկոպոս Քաղկիդեայ, և օգնական ձեռնադրիչ եպիսկոպոսին անդաստին 1832 ամէ: Սմա յամին 1846, յաջորդեաց Անտոն Հասունեան Արքեպիսկոպոս Անարզաբայ, որ յետ ժամանակաց ամբարձաւ յԱթոռ կաթողիկոսութեան:

Բաժանումն այս կաթողիկեայ Հայոց չէր ի հաճոյս խոհական հայրապետին, այլ այնու՝ զի բարձաւ հալածումն, և ազատութիւն շնորհեցաւ կաթողիկէ պաշտաման, մխիթարէր վեհ ոգի նորա, և անդորր սրբտիւ փոյթ ի մէջ առնոյր ի յառաջադիմութիւն և ի բարեկարգութիւն հօտին իւրոյ, ջանալով հեռացուցանել զիւրան ի շփոթից որք յուզէին ի մայրաքաղաքի անդ:

Այլ ի բնի անդ իւրում ծագեցաւ խնդիր իմն վասն

կամաւոր ասացեալ աղքատութեան յուխտի անդ Միաբանից, և զի նախորդ իւր զկանոնսն վասն միաբանիցն առաջի արկեալ էր սրբոյ Աթոռոյն, այս իսկ խնդիր արկաւ ընդ նովին ատենիւ, և իշխանութեամբ նորին վախճան եղև խնդրոյն, և զկնի փոխման յաստեացս Քրիզորի՝ եհաս յամին 1843 վերջնական ձևն ուխտի միաբանից, որպէս տեսցի:

Հարուած մեծ եղև գթառատ սրտի երանաշնորհ հայրապետին, վերջին յարձակումն իպրահիմ փաշայի Եգիպտացւոյ ի Քեսրուան, ուստի և նուիրեաց զանձն իսկ իւր ինքնայօժար վասն հաւատացելոց ի Քրիստոս և ննջեաց ի տէր զքուն արդարոց, ի հոտ սրբութեան ի 22 սեպտեմբեր 1840. և Աստուած փառաւորեաց զհաւատարիմ ծառայ իւր այլ և այլ հրաշիւք, յառաջ և զկնի մահուն, զոր անմոռաց յիշատակեն ցայսօր ժամանակի բնակիչք բազմաց ի գիւղօրէից որք շուրջ զվանօքս կան: Թաղեցաւ մարմինն նորա յեկեղեցւոջ վանաց փոխման կուսին ի Պզոմմառ, և յետ երկուց ամաց և աւելի, գտաւ մարմինն նորա անապական, ի դամբարանի անդ, ըստ վկայութեան ականատեսից, յորոց են որ և ի գիր իսկ արձանագրեալ են զայս դիպուած:



ՅԱԿՈՐ Է . ՊԵՏՐՈՍ Է .

ՀՕԼԱՍԵԱՆ ԱՆԿԻՒՐԱՅԻ

8 Դեկտեմբեր 1841 - 1843

Յաւուր յորում կնքեաց զկեանս իւր Գրիգոր Պետրոս Զ. գումարեաց Աթոռակալ նորին Յակոբ Արքեպիսկոպոս Ամասիոյ, զմիաբանսն որ ի վանս, Ստեփանոս Հօլասեան Արքեպիսկոպոս Ատանոյ և զինն քահանայս, գումարեաց ի ժողով որք և արարին ընտրութիւն փոխանորդի պարապեալ Աթոռոյն յանձն նորին Յակոբայ Արքեպիսկոպոսի:

Զամիսս ինն և զաւուրս ութ տևեաց պարապութիւնն, և յ 30 յունիսի, 1841. ժողովեցան յեկեղեցւոջ վանաց նուիրեալ փոխման սուրբ կուսին արքեպիսկոպոսք և եպիսկոպոսք Յակոբ Ամասիայ, Ստեփանոս Ատանոյ, Բարսեղ Բերիայ և Յովսէփ Մարտինոյ, և ընտրեցին պատրիարք Կիլիկիոյ զՅակոբ Արքեպիսկոպոս, որ կոչեցաւ. Յակոբ Պետրոս Է. Միքայէլ Արքեպիսկոպոս Կեսարիոյ, որ իբր ի տասնամաց հետէ կայր ի կողմանս Սերաստիոյ. զերկարութիւն ճանապարհին ի մէջ բերեալ՝ չէր ի ժողովն առաջիկայ, ասի իսկ զի գիտակ էր մտաց եպիսկոպոսացն, որք զինքն եղեալ էին ի մտի ամբառնալ յայն պաշտօն, վասն որոյ և թղթով առաքեաց զիւրն հաւանութիւն ընդ ընտրութիւն Արքեպիսկոպոսին Ամասիոյ և զանձնէ իւրմէ որոշակի յայտնեալ էր զիւր միտս:

Հաստատութիւնն որպէս և վերարկուն տուաւ նմա
ի 27 յունուարի 1842 ըստ սովորութեանն՝ որ բա-
զում անգամ ի գործ եղեալ յաւուրս նախորդաց իւ-
րոց. այն է, ձեռամբ առանձինն փոխանորդի, որում
յանձն արար զայն Գրիգոր Ժ.Ձ. քահանայապետ:
Յ Յ ապրիլի նոյն ամի զգեցաւ Յակոբ կաթողիկոս
զվերարկուն մեծաւ հանդիսիւ:

Յետ այնորիկ ձեռնադրեաց եպիսկոպոսունս եր-
կուս. զիգնատիոս վարդապետ Քալրպճեան ի վերայ
Ամասիոյ և զՊետրոս վարդապետ Աբելեան ի վերայ
Գերմանիոյ:

Սա ևս ունէր փոյթ մեծ ի բարգաւաճումն միա-
բանութեանս, սմին իրի ջանացաւ ի ձեռս բերել
զվերջնական ձև ուխտին, որ և եհաս ի Հոռմէ ի
սկիզբն 1843 ամին, որ վասն աշակերտեալ ման-
կանց ի վանս Զմմառի, որով մխիթարեցաւ սիրտ
նորա:

Ի փոխանորդութեան իւրում առ նախորդովքն
բազումս վաստակեալ, յօգուտ և ի պայծառութիւն
վանաց և միաբանութեան, որում անձնանուէրն էր,
մանաւանդ ի բազմացուցանել զկալուածսն, սակայն
ի պատրիարքութեան իւրում, որ տեեաց ամ մի, ա-
միսս եօթն և աւուրս վեց, չկարաց առաւել ինչ գոր-
ծել. նա զի և զմեծ իմն մասն այնր ժամանակի ան-
ցոյց տառապագին հիւանդութեամբ, որում տարաւ ա-
մենայն համբերութեամբ, և յանձնարարութեամբ կա-
մացն Աստուծոյ. ապաւինեալ ի մայրական զութ
Սուրբ Աստուածածնին, և հանգեաւ ի տէր ի խոր
ծերութեան ի 6 փետրուար, 1843: Թաղեցաւ յե-
կեղեցւոջ վանաց փոխման կուսին ի Պզոմմառ:

ԳՐԻԳՈՐ ԺԴ. ՊԵՏՐՈՍ Ը.

ՏԵՐԱՍՏՈՒԱԾԱՏՈՒՐԵԱՆ ԲՐԳՆԻՔՅԻ

25 Յուլիս 1843 - 1866

Հռչակեալ էր անուն սորին անդատին յաւուրց անտի եպիսկոպոսութեան իւրոյ. որ եղև ի 14 մա-
յիսի 1826, և զամս իբր հինգ վարեալ զվերատես-
չութիւն ընծայարանին ի Պզոմմառ, ապա ի 4 մար-
տի 1831, առաքեցաւ ի կողմանս Սեբաստիոյ, պաշ-
տամամբ կաթողիկոսական փոխանորդութեան, և պայ-
ծառացոյց զհօտ իւր. և յաւուրս առաջնորդութեան
իւրոյ կառուցան եկեղեցիք Բրգնկոյ, Եւդոկիոյ և
Կիւրնոյ, և արար ոչ սակաւ բարեկարգութիւնս յայ-
նոսիկ տեղիս:

Կամք էին Եպիսկոպոսաց զումարելոց ի վանս 130
յունիսի 1841, զսա ինքն ընտրել պատրիարք, այլ
նա յայտնի իսկ ծանուցեալ էր հարց ժողովոյն, եթէ
ոչ յանձն առնուցու զայն: Սմին իրի իբրև յետ մա-
հու Յակոբայ Պետրոսի է. միւսանգամ զումարեցան
ի նոյն վանս ի Պզոմմառ, զրեցին առ նա միանգամ
և երկիցս, և ի հուսկն դիմեցին ի Հոովմ յորդոր
կարդալ նմին, զի յանձն առնուցու զալ և չկալ հա-
կառակ միաձայն որոշողութեան ժողովեալ հարց, և
այսպէս գայր հասանէր: Եւ յետ աւուրց գալստեան
նորա զումարեցան յեկեղեցւոջ նոյն վանաց Արքե-
պիսկոպոսք և եպիսկոպոսք՝ Ստեփանոս Ատանայ որ
և էր տեղապահ ընտրեալ ըստ օրինակի նախորդին

իւրոյ ի Միարանից վանաց, Միքայէլ Կեսարիոյ, Իգնատիոս Ամասիոյ և Պետրոս Գերմանիկոյ և ընտրեցին պատրիարք զՄիքայէլ Տէրաստուածատրեան Արքեպիսկոպոս Կեսարիոյ որ կոչեցաւ Գրիգոր Պետրոս Ը: Բարսեղ Բերիոյ և Յովսէփ Մարտինոյ թղթով տուեալ էին զիւրեանց հաւանութիւն: Իսկ ժամանակ պարապութեան եղեալ էին ամիսք հինգք և աւուրք հինգք:

Գրիգոր ԺԶ. քահանայապետ ի կոնդակի հաստատութեան նորին ի 25 յունուարի 1844. խօսի բազում գովութիւնս, թէ չկամէր յանձն առնուլ զպատրիարքութիւն խոյս տուեալ ի փառաց և ի պատւոյ և ի թախանձանաց եպիսկոպոսաց որոց աջակցեցան Բերիոյն և Մարտինոյն թղթովք, որք չէին լեալ ձեռնահաս ի ժողովն ժամանել ստիպեալ տեղի ետ կամաց նոցին և յետ այլոց բանից յարէ. «Այնպէս զի իրաւամբ մարթէ ակն ունել, եթէ ամբառնալ նորա (յայս աստիճան) օգտակար յոյժ լինիցի բովանդակ ազգին Հայոց»: Վերարկուն տուաւ ըստ սովորութեան ի ձեռն փոխանորդի առ այն կարգելոյ ի պատրիարքէն, զոր շքեղ հանդիսիւ զգեցաւ յ 17 մարտի 1844:

Չամս երիս մեծաւ ջանիւ փոյթ տարեալ ի բարեկարգութիւն պատրիարքական վիճակին, և ի զարգացումն վանաց և Միարանութեան, ապա յ 12 մարտի 1847 Մեկնեցաւ ի վանաց գնալ ի Հոովմ, ուր մնաց ամ մի, ամիսս երկուս և աւուրս ինչ: Եւ հարկեցաւ դառնալ յետս չև աւարտեալ զամենայն զգործս իւր և զխնդիր. ի պատճառս յուզմանց յիտալացւոց աշխարհին և ժամանեաց ի Բերիտոս ի 5 յունիսի, 1848.

Ի կարգի եղեալ զշփոթս ինչ, որ յուզէր ի Տիարպէքր խաղաղացոյց զայն: Արոշեաց բանալ դպրոց

օժանդակ ընծայարանի վանաց յԵւդոկիա, գնեցաւ տուն մեծ անդէն ընդարձակ պարտիզօք. և ի 16 սեպտեմբեր մեկնեցան ի վանաց Աբրահամ վարդապետ Գարատելեան վերատեսուչ նորոյ դպրոցին, որ նուիրեցաւ ի պատիւ Անարատ յղութեան սուրբ Աստուածածնին, և վեց աշակերտք որոց թիւ, ի հասանել նոցա յԵւդոկիա, բազմացաւ հետզհետէ մինչև ցերկոտասան, ի սկզբան անդ ծաղկեցաւ յոյժ ցորվայր կենդանին էր Աբրահամ վարդապետ, այլ ապա ի կամելն բարգաւաճագոյն ևս գործել, իսպառ խափանեցաւ. և ոչ սակաւ տուժից եղև պատճառ միաբանութեանս, և կայ փակեալ ի բազմաց հետէ:

Չեռն արկ այնուհետև հայրապետն իմաստուն դնել եպիսկոպոսունս ի կարևոր տեղիս վիճակին իւրոյ, և ձեռնադրեաց նախ զՊօղոս վարդապետ Աքթէրեան կարնեցի ի վերայ Աղեքսանդրիոյ Եգիպտոսի, և զի սկիզբն լինէր դարձի յԱտանա յամին 1849. առ ժամն առաքեաց զնա անդր, առ սրտապնդել ևս ըզնորեկսն:

Ի յաջորդ 1850 ամի ձեռնադրեաց Եպիսկոպոս զՅակոբ վարդապետ Պահտիարեան ի վերայ Ամիդայ, և զՅովհաննէս վարդապետ Հաճեան յանուն կեսարիոյ Կապադովկացւոց:

Գումարեաց ժողով պատրիարքական յոր կոչեցան բաց յեպիսկոպոսաց, նաև փոխանորդք միաբան քահանայից գաւառաց գաւառաց: Բազում ինչ կարգաւորեցան յայս ժողով, որ և առաջարկեցաւ սրբոյ Աթոռոյն, առ ընդունել զհաւանութիւն նորին: Յաւելին ապա թուղթ սիւնհոդոսական գրեալ ի 15 նոյեմբերի, յորում խօսին զժամերգութենէ, զտօնից, զպահոց, զխնամութենէ և զհոգևոր ազգականութենէ, և զՏումար, զորոց խօսին բազում հմտութեամբ և փորձառութեամբ պիտոյից հաւատացելոց:

Յառաջ քան զայս ժողով պատրաստեալ էր կարգս
և կանոնս վասն վանաց և միաբանութեան և վասն
մնայուն ժողովոյ ի վանս, զոր և խնդրեալ էին ու-
մանք յեպիսկոպոսաց և փոխանորդք միաբան քա-
հանայից զաւառաց զաւառաց, որք և զործադրեցան
իսկ ի կենդանութեան իւրում:

Ամբ քսան (1829-1848) անցեալ էին ի դադա-
րելոյ անտի հալածանացն, և տակաւ կերպաւորէին
իրք կաթողիկեայց և պատրիարքութեան Կիլիկիոյ
խնամով հոգեշնորհ հայրապետաց. կանգնեցան հըն-
գետասան նոր եկեղեցիք, և մատրուներ ոչ սակաւք,
և ի բազում տեղիս բնակարանք վասն եկեղեցակա-
նաց, և ահա սկիզբն լինէր նորոց առաքելութեանց,
յորոց ոմանք յօրինեցան թէմ եպիսկոպոսական. որ-
պիսիք են Ատանա, որոյ սկիզբն եղև յամին 1849,
Մարաշ 1857, Մելիտինէ 1859, իսկ այլ առաքե-
լելութիւնք են Քեսապ 1854, Դարա 1856, Պի-
րէճիկ 1857, Անթապ 1858, Եղեսիա 1862, Կե-
սարիա 1862, և այլ բազում տեղիք, յորոց ի գլխա-
ւորսն կարգեցան Աթոռք եպիսկոպոսականք:

Բաց ի յիշատակելոցդ ի վեր անդր, ձեռնադրեաց
Գրիգոր Պետրոս Ը. այլ ևս եպիսկոպոսունս ինն.
որոց անուանք են, Գաբրիէլ վարդապետ Շաղատեան
Բերիացի ի վերայ Մարտինոյ, Միքայէլ վարդապետ
Աղեքսանդրեան Կիւրինցի ի վերայ Երուսաղէմի .
Ներսէս վարդապետ Հալէպլեան Եւդոկիացի ի վերայ
Սերաստիոյ, Արսէն վարդապետ Աւագ վարդան Ան-
ճարակեան ի վերայ Եւդոկիոյ, յԱնտոնեան կրօնա-
ւորաց, Գրիգորիոս վարդապետ Պալիթեան Բերիացի
ի վերայ Բերիոյ, Ղևոնդ վարդապետ Խոռխոռունի ի
վերայ Մելիտինոյ, Մելքոն վարդապետ Նազարեան
ի վերայ Մարտինոյ, Սուքիաս վարդապետ Գազան-
ճեան Կոստանդնուպօլսեցի Աբբահայր Անտոնեան

ուխտի յանուն Անտիոքայ, Բարսեղ վարդապետ Գասպարեան Բերիացի յանուն Կիպրոսի : Եւ եղև թիւ հին և նոր թեմից ի պատրիարքութեան Կիլիկիոյ, որ կացին մնացին յարատև, տասն՝ Եգիպտոս, Բերիա, Մարտին, Տիգրանակերտ, Սերաստիա, Եւզոկիա, Մելիտինէ, Մարաշ, Ատանա, Կեսարիա :

Վասն նորանոր առաքելութեանց և վասն նորակազմ թեմից կրել կրեաց բազում նեղութիւնս, այլ Տէր օժանդակ եկաց բարի դիտման նորա և ուղղութեան սրտի, և անընկճելի արիութեամբ տարաւ ամենայն վշտաց և դժուարութեանց որք ընդ առաջ եղեն նմա : Քաջալեր մեծ եղեն նմա զրութիւնք մեծին Պիոս Թ. քահանայապետի, որովք յայտնէր զհայրական սէր և զխնդակցութիւն, և խրախուսէր զնա ի գործն առաքելական, և աստուածահաճոյ, որով և իւր իսկ սիրտ մխիթարեալ էր յոյժ :

Եւ զի ի վերջին ամս հայրապետութեան սորա բանք եղեն ի միութիւն երկուց ազգային եկեղեցական իրաւասութեանց, արար ժողով ընդ չորից եպիսկոպոսաց, որք յայնժամ ի վանս գտանէին, յ Տփեարուար 1865, իբրև հայր խնամոտ հոգ տարաւ նաև միաբանութեանս, և յորոշումսն անդ զոր կալան, էր և գլուխ մի այսպիսի, Ը. « Զի Միաբանութիւն կաթողիկոսարանին (յետ փոխադրութեան Աթոռոյն ի Կոստանդնուպօլիս ըստ Բ. գլխոյ) կայցէ մնացէ հանապազ իւրովք կանոնովք կարգաւորութեամբ և առանձին գլխով » :

Եւ ընդ որոշողութեամբքս եղին զձեռագիր իւրեանց ինքն հայրապետն և չորեքին առաջիկայ եպիսկոպոսքն և ապա եօթն բացակայք : Եղեն և այլ ևս օգտակար որոշմունք ի նպաստ Միաբանութեան յայսմ ժողովի ամենեցուն հաւանութեամբ :

Յաւուրս սորին Գրիգորի կառուցան գործակալու-

Թեամբ Պետրոս և Յովհաննէս եպիսկոպոսաց եռե-
սուն կրպակք ի Ճիւնէյ յափն ծովուն . դրամովք
միաբանից ոմանց և վաճառամբ հին կալուածոց ինչ
և գնով աւելորդ սպասուց : Գնեցան և շինեցան կա-
լուածք յանուն Միաբանութեան յԱտանա, ի Մեր-
սին և յԵւդոկիա :

Նոյնպէս և յառաքելութիւնս թեմս եպիսկոպոսաց
և յաւէտ ի նորահաստատս՝ եկեղեցիք, առաջնոր-
դարանք, դպրոցք և բնակարանք :

Յօրինեաց և հաւաքեաց զօգտաշատ մատեանս և
Թարգմանեաց գրեանս պիտանիս ի լատին և յիտա-
լական լեզուաց, յառաջ և զկնի պատրիարքութեան
իւրոյ :

Սա նախ ընկալաւ յարքունուստ հրովարտակ իշ-
խանութեան, և պատուեցաւ արքունական ականակուռ
շքանշանաւ պատուոյ (իՖթիխարի) և ապա Մէճիտէիւ
Առաջին կարգի :

Մեծ էր հմտութիւն նորա ի նուիրականսն առհա-
սարակ . փայլէր ի սրբութեան իբրև զմի ի նախնի
հարց, և խոնարհութեամբն ի մեծութեան անդ՝ օրի-
նակ բարի հանդիսանայր ամենեցուն : Եւ ննջեաց ի
տէր յ 8 յունուարի 1866 ի հոտ սրբութեան . և
Թաղեցաւ յեկեղեցւոջ վանաց փոխման Ամենասուրբ
կոյս Աստուածածնին ի Պզումմառ, կալեալ զԱթոռն
զամս իԲ, ամիսս 2 :

ԱՆՏՈՆ ՊԵՏՐՈՍ Թ.

ՀԱՍՈՒՆԵԱՆ ԿՈՍՏԱՆԴՆՈՒՊՈԼՍԵՑԻ

2 սխալ - 1866 - 1886

Չկնի փոխման յաստեացս Գրիգորի Պետրոսի Ը. ծագեցաւ շփոթութիւն իմն ի Միաբանս Չմմառի. երեք հինաւուրցք ըստ կարգադրութեան՝ որ ի գործածութեան էին ի հնգետասան ամաց հետէ, կամէին, զի ինքեանք միայն ընդ եպիսկոպոսին, որ Աթոռակալն էր հանգուցելոյն, ընտրեացեն զտեղապահ պարապեալ Աթոռոյն, հաստատեալ ի միջի իւրեանց անուանել զնա ինքն զԱթոռակալն: Իսկ եպիսկոպոսն պնդէր, թէ այդ նորութիւն իմն է, ինքն տեսեալ էր յերկուս դէպս յետ վախճանի Գրիգորի Պետրոսի Զ. և Յակոբայ Պետրոսի Է. զի համօրէն Միաբանք գումարէին յընտրութիւն տեղապահի, և ստիպեաց զի այնպէս լինիցի և յայս նուազ: Իսկ հինաւուրցք՝ թէպէտ և կասկածէին ծագել անդէպ ինչ իրաց, զոր և յայտ արարին նմին որոշ բանիւք, այլ և այնպէս համաձայն գտան նմին առ ի չզայրացուցանելոյ զնա: Նորա հրամանաւ կոչեցան բոլոր Միաբանք թուով իբրև չորեքտասան և զաղտնիքուէիւք ընտրեցաւ մի ի վարդապետաց, ընդ որ դրժուարեցաւ եպիսկոպոսն, և փոխանակ անձին մեղդնելոյ, խօսեցաւ և զրեաց զերիցն յիշատակելոց, որ ինչ անկաւ ի միտս նորա: Եպիսկոպոսն և ընտրեալ փոխանորդն զրեցին ի Հոովմ, որ խոհականա-

գոյն կալեալ ճանապարհ, կարգեաց զԱրքեպիսկոպոսն Մարտինոյ տեղապահ, և այսպէս վերջ լինէր խնդրոյն:

Յետ բազում բանակցութեանց՝ ի 14, սեպտեմբեր, 1846, զկնի ութից ամսոց և վեց աւուրց պարապութեան, եկին գումարեցան յեկեղեցւոջ վանաց Զրմամառի արքեպիսկոպոսք և եպիսկոպոսք, Իգնատիոս Ամասիայ, Պետրոս Գերմանիկոյ, Յակոբ Տիգրանակերտի, Յովհաննէս Կեսարիայ, Գրիգորիոս Բերիայ, Ղևոնդ Մելիտինեայ, Մելքոն Մարտինոյ և Բարսեղ Կիպրոսի. յառաջիկայ գտաւ յայս ժողով և պատրիարքն Երուսաղէմի յանուն սուրբ Աթոռոյն Հոովմայ: Եւ ընտրեցաւ զահերէց Մետրապոլիտն Կոստանդնուպօլսի Անտոն Արքեպիսկոս Հասունեան և անուանեցաւ Անտոն Պետրոս Թ:

Որպէս յուշ արարի ի վերնագոյնն, յեռեսուն և հինգ ամաց հետէ հաստատեալ էր Աթոռ նախագահ Արքեպիսկոպոսութեան ի Կոստանդնուպօլիս, յոր նստան մի զմիոյ կնի Անտոն Նուրիճեան և Պօղոս Մարուշեան: Ի հրամանէ սորա յամին 1842. Անտոն վ. Հասունեան առաքեալ ի Հոովմ, ձեռնադրի անդ յ7 յունիսի արքեպիսկոպոս Անարզաբայ և կարգի օգնիչ նախագահին իրաւամբ ապագայ յաջորդութեան: Յետ միոյ ամի ի 23 յունիսի 1843. հիւնարկէ զմիաբանութիւն կուսանաց Անարատ յղութեան: Ի 25 մարտի 1845. ընտրի Ազգապետ, ի 6 օգոստոս, 1846 լինի նախագահ Կոստանդնուպօլսի. և յետ երկուց ամաց թողու զազգապետութիւն: Յ 30 ապրիլ. 1850, ընտրէ զեպիսկոպոսունս նորակարգ Աթոռոյն Կարնոյ, Անկիւրիոյ, Պրուսայ, Տրապիզոնի, Արթւրնոյ և Սվահանու. յորս յաւել յամին 1865. զԱթոռն Խարբերդի: Պատուեցաւ և յարքունուստ յամին 1856 հրովարտակաւ իբրև եպիսկո-

պոսապետ Կոստանդնուպօլսի: Այլ և այնպէս տեէր
և Ազգապետութիւն ցվախճան կենաց հայր Նիկողա-
յոս վարդապետի Կակոնեան ի կրօնաւորաց Անտո-
նեան ուխտի և անդրագոյն ևս, յառաւելութիւն ծա-
խուց:

Յաւուրց անտի կարգման նախագահական Աթո-
ռոյն, մինչև ցընտրութիւն վերջնոյ նախագահին ի
պատրիարք Կիլիկիոյ, յար ի յուզման կային իրքն
ի մայրաքաղաքի անդ, մերթ սակս այս և մերթ
սակս այնր պատճառի. երբեմն նուազ, երբեմն ա-
ռաւել:

Տասն ամիսք անցեալ էին յընտրութենէ Անտոնի
Պետրոսի, յորժամ 13 յուլիսի տուաւ նմա հաստա-
տութիւն և վերարկուն զոր զգեցոյց Պիոս Թ. քա-
հանայապետ ի Հռովմ, ուր գտանէին գրեա թէ ա-
մենայն եպիսկոպոսունք պատրիարգութեան: Նորօք
հանդերձ հասեալ ի Կոստանդնուպօլիս կատարեցաւ
անդ հանդէս գահակալութեան ի տօնի փոխման կու-
սին ի նորաշէն եկեղեցւոջ նուիրելոյ ի պատիւ սուրբ
Աստուածածնին: Նաև վեհափառ ինքնակալն ետ նմա
զհրովարտակն պատրիարքական-կաթողիկոսական իշ-
խանութեան: Առ ի գիտել եթէ զիմրդ միութիւնս
այս եղև, շատ լիցի ի մէջ բերել զհաստուած ինչ
և եթ զկոնդակի հաստատութեան և է « Առաքելական
ճոխութեամբ, որ տուեալ է մեզ յընդհանուր եկեղե-
ցի, պատճենիւ կոնդակիս այսորիկ ջնջեմք եղծանեմք
զնախագահական և զարքեպիսկոպոսականն յորջոր-
ջումն որով... Պիոս (Ը.) նախորդն մեր իւրով Առա-
քելական թղթով զեկեղեցի Հայոց Կոստանդնուպօլսի
զարդարեաց: Ապա և նովին իշխանութեամբ զեկե-
ղեցական Կոստանդնուպօլսի գաւառ Հայոց ի մշտըն-
ջենաւորս յարեմք ի պատրիարքութիւն Կիլիկիայ,
պատուէր տուեալ զի պատրիարքն նոր և յաջորդք

նորա վարեացին յորջորջմամբ պատրիարքաց Կիլիկիայ Հայոց, և զի բնակութիւն նորա լիցի ի Կոստանդնուպօլիս քաղաքի. և զեկեղեցի Կոստանդնուպօլսի կարգաւոր իրաւաբանութեամբ վարեացեն : Կամիմք իսկ զի ի վերոյ զրեալ պատրիարքութիւն ամփոփեացի ընդ սահմանօք . զոր այժմ Կիլիկիայ պատրիարքութիւն և Կոստանդնուպօլսի նախագահութիւնն ունին » :

Մինչդեռ տակաւին ի Հռովմ էին կաթողիկոսն և եպիսկոպոսունք, արարին բանակցութիւնս վասն կարևոր իրաց պատրիարքութեան, յորում բանք եղեալ էին և վասն Միաբանութեան վանաց փոխման Ամենասուրբ կուսին, որ ի Չմմառ, ոչ նպաստաւորք նմին, ընդդէմ որոց բողոքեցին ոմանք ի միաբանից առ սուրբ զահն. ի պատասխանեացն, զոր սուրբ ժողովն ետ առ այն յօղուածս բանակցութեանց, յայտնի տեսանի, եթէ չեղեն նմա հաճոյ այն որոշմունք ժողովոյ եպիսկոպոսաց ի Հռովմ :

Յետ դարձին ի Հռովմէ առաքեցաւ ի վանս ի 27 սեպտեմբեր 1857 Բարսեղ եպիսկոպոս Գասպարեան և սկիզբն եղև պատրաստութեան սիւնհոդոսին. կարգեցան կրկին յանձնաժողովք, որք վաստակէին ի կարգաւորութիւն և ի հաւաքումն նիւթոց :

Եւ զի հարկէր այց առնել վանաց փոխման կուսին ի 22 օգոստոս. 1868. մեկնեալ ի Կոստանդնուպօլսէ գերերջանիկ հայրապետն ընկերակցութեամբ երկուց քարտուղարաց և միոյ սպասաւորի. ընդ ճանարհ Աղեքսանդրիոյ և Վերիտոնի եհաս ի 5 - 17 սեպտեմբեր. եմուտ ի վանս մեծահանդէս շքով ի ճիւնիէ սկսեալ : ի 14, 26 սեպտեմբեր, ժողովեալ զմիաբանս գտեալս ի վանս, խօսեցաւ բանս յորդորանաց, և վստահ արար զամենեսին եթէ Միաբանութիւն կայր ի կայի, որոյ կեդրոն էր վանքն Չրմմառի. և թէ պիտոյ էր դնել անդ մեծաւոր ևն.

Ի 15, 28 սեպտեմբեր, մեկնեցաւ ի վանաց, իւրովքն ընկերացաւ նաև Գասպարեան եպիսկոպոսն, և հանդիպեալ ի Պէյթիսաշաօ, ուր եկաց զաւուրս երիս. և ընդ վերիտոն և ընդ Յոպպէ հետևորդօքն եկաս յԵրուսաղէմ, զաւուրս վեշտասան մնացին անդ և իդարձին ինն օր կացեալ ի Գամասկոս ի 6 նոյեմբեր նոր տոմար ժամանեցին ի Չամառ ուր գերապատիւ Յովսէփ վարդապետ Ֆէրաճեան կարգեցաւ փոխանորդ ի 20 դեկտեմբեր. 1868, և մնացեալ անդ ցկէս յունուարի 1869 և ապա իջեալ ի վերիտոն, չոգաւ յետ աւուրց ընդ Աղեքսանդրիա յԵգիպտոս, և ոչ շատ երկարեալ անդէն յ17/5 փետրուար, ժամանեաց ի Կոստանդնուպօլիս,

Ի բանալ դրանց գարնայնոյն ժամանէին եպիսկոպոսունք կողմանց կողմանց ի Կոստանդնուպօլիս, ևս ընդհանուր Աբբայք Միսիթարեանց վենետկոյ և վիէննայ. և սկիզբն եղև ժողովոյն ի 5 յուլիսի: Եւ չև աւարտեալ այնր, հարկեցան անկատար թողեալ զայն դիմել ի Հոովմ ի Տիեզերական ժողովն վատիկանեան որոյ հանդիսական բացումն եղև յ 8 դեկտեմբեր, 1869 և տևեաց ցսկիզբն յուլիսի, 1870. և վասն քաղաքական շփոթից դադար տուաւ այնմ, յետ երից հանդիսական նստից: Եւ ապա հրամանաւ սրբազան քահանայապետին դարձան իւրաքանչիւր ի տեղիս իւրեանց հարք ժողովոյն, որպէս և հայրապետն մեր և եպիսկոպոսունք և որք ընդ նոսա յամսեանն օգոստոսի:

Յամին 1869, օգոստոս 4. գերերջանիկ հայրապետն առանձինն կոնդակաւ գահերէց կարգեալ զիգնատիոս Աբբեպիսկոպոս Ամասիոյ, հրաման ետ նմա կոչել յանուն իւր զեպիսկոպոսունս Կիլիկիոյ և առնել ծրագիր վասն միաբանութեան Չամառի, վեցիցս ժողովեցան յ 9 օգոստոս, յ 10 սեպտեմբեր ի միա-

սին ինն եպիսկոպոսոսոնք, և յառաջնումն նաև Միաբանք գտեալք ի կոստանդնուպօլիս. և եղեն որոշմունք կարևորք, այլ ի ծագել շփոթից յազգին վասն այլոց իրաց և յաճապարելն գնալ ի Հոովմ, ոչ մատուցաւ յայնժամ ի գործ:

Յետ դարձին ի Հոովմէ ի ծանրագոյն ևս պայմանի գտանէին իրք եկեղեցւոյս հայ կաթողիկեայց, զի ներքին էր յայսմ նուազի յուզումն, և փասս անհրնարին գործեցաւ ի նորաբողբոջ հասարակութեան, որ այն ինչ սկսանէր բարգաւաճեալ ծաղկել: Հազիւ քառասուն ամք անցեալ էին, և կաթողիկեայց եկեղեցին մեծաքայլ ընթանայր յառաջ, և ահա կառեալ կասեցան յընթացիցն: Այո կարի նուազ էին, որք հակառակն կային եկեղեցական օրինաւոր իշխանութեան. այլ ի հանգամանաց ժամանակին օգտեալ, բազում յոյժ եղեն չարիք. անտուստ յառաջ եկեալք: Յամին 1872, Անտոն Պետրոս Թ. հարկեցաւ գնալ տարադէմ ի Հոովմ ի 20 յուլիսի նոր տոմար և այլ ոմանք յեպիսկոպոսաց թողին զվիճակ իւրեանց. և շատք ևս զրկեցան յառաջնորդարանէ և յեկեղեցւոյ իւրեանց: Չամս չորս մնաց հայրապետն ի Հոովմ. և յաջողութիւն գտեալ անտի դարձաւ ի 24 յունիսի, 1876:

Յայսոսիկ դառն աղէտս ոչ անմասն գտաւ և միաբանութիւնս Չամառեան, հանան ի վանաց միաբանք զուրկ յամենայնէ, այլ տէր պահեաց զնոսա և քահանայապետն մեծ, Պիոս Թ. մխիթարեաց առաքելական թղթովն տուեալ ի 20 սեպտեմբեր 1871, և օգոստոս, 1872, յորս գովէ յոյժ զառաքինութիւն և զարիութիւն նոցա, որովք տարան ամենայն զըրկանաց, սփոփէ և քաջալերէ. և հայրական զթովհոգ տարաւ ամենայն պիտոյից նոցա, առ ի կեալ և յառաջ վարել զուամունսն և զհրահանգութիւն:

Եւ յամին 1875 ի 21 մայիսի Անտոն Պետրոս Թ. մինչ ի Հոովմ էր եհան կոնդակ հաստատութեան Միաբանութեան, հաւանութեամբ սրբոյ Աթոռոյն և առաքեաց առ ամենայն միաբանս : Յորս կան այս նշանաւոր բանք : «Կաթողիկոսական միաբանութիւն կիլիկիոյ ծանուցեալ արդէն անուամբ Չմմառեան միաբանութեան . գրեաթէ ընդ շրջան միոյ և կէս դարու ընձեռեալ մատոյց բազմարդիւն ծառայութիւնս եկեղեցւոյ ընդ բովանդակ սահման կաթողիկոսութեան : Անտոն Պետրոս Թ. կաթողիկոս հաստատէ զմիաբանութիւնս ըստ կարգաւորութեան նորին իսկ միաբանութեան, անուամբ կաթողիկոսական միաբանութիւն կիլիկիոյ» :


Գերապատիւ Ֆէրահեան Յովսէփ ծայրագոյն վարդապետ, որ ի 20 դեկտեմբեր 1868, փոխանորդ պատրիարքական ի Լիբանան՝ մեկնեցաւ անտի յամին 1873, և չոքաւ ի Հոովմ. և մնաց իբր գործակալ ի վանս գերապատիւ Աւետիս վարդապետ Թիւրքեան, որ մնաց ի նմին պաշտաման ցսկիզբն 1886 ամի, զի թէպէտև ի վերջ կոյս 1879 ամի անուանեցաւ Յովհաննէս Հաճեան Արքեպիսկոպոս Կեսարիոյ փոխան մեծաւոր միաբանութեան, այլ չև մեկնեալ անտի ննջեաց զքուն արդարոց :

Երանաշնորհ հայրապետն Անտոն թէպէտ զհոգեւորականն վարէր իշխանութիւն յետ դարձին ի Հոովմէ, այլ չէր տակաւին ծանուցեալ ի քաղաքային պետութենէ, իսկ կողմն օձտելեաց երթայր և նուազէր մանաւանդ երբ կարգեալն ի նոցանէ պատրիարք մատոյց զիւրն հպատակութիւն յամին 1877, և չոգաւ ի Հոովմ : Յետ այնորիկ նորոգեցաւ հրովարտակ պատրիարքութեան Անտոնի Պետրոսի Թ. որ ձեռնարկ յընտրութիւն պարապեալ Աթոռոցն Սերաստիոյ, Անկիւրիոյ, Մարաշոյ, և Տրապիզոնի, որք ձեռնա-

դրեցան ի 23 սեպտեմբեր 1877, ընդ որոց ձեռնադրեցաւ Արքդպիսկոպոս Նիկոմիդիոյ Ստեփանոս Ազարեան, որ եղև Աթոռակալ: Նաև Արդուրնոյ ձեռնադրեցաւ 1878, եպիսկոպոս Յովհաննէս Զաքարեան:

Յամին 1880, գումարեաց Անտոն Պետրոս Թ. զեպիսկոպոսունս պատրիարքութեան ընտրութիւն եպիսկոպոսի պարապեալ Աթոռոյն կեսաբիոյ, և ի նմին ժողովի ի գումարմունսն 6/18, և 15/27 ըստ ընտրութեան միաբանից կարգեցաւ Անդրէաս, վարդապետ Աղեքսանդրեան, մեծաւոր վանաց Զմմառի, և ի հոկտեմբեր 23/4 նոյեմբեր, շրջաբերականաւ յայտ յայտ արար կաթողիկոսն ամենեցուն զկարգումն նորին յայն պաշտօն:

Ժողովս այս ի բազում գումարմունս պարապեցաւ վասն կերպի ընտրութեան յաջորդի ի պատրիարքութիւն: Եւ ի վերջոյ հրաժեշտ տուեալ ի պատրիարքութենէ գնաց ի Հոովմ. և անդ ամբարձաւ յ13, դեկտեմբեր, ի պատիւ հոովմայական ծիրանեաց, և շատ իսկ վաստակեալ ի կանգնումն հայկական վարժարանին ի Հոովմ, ննջեաց ի տէր:



ՍՏԵՓԱՆՈՍ Ե. ՊԵՏՐՈՍ Ժ.

ԱԶԱՐԵԱՆ ԿՈՍՏԱՆԴՆՈՒՊՈԼՍԵՑԻ

(1886 - 1899)

Վաղ իսկ ծանօթ էր սա ամենեցուն և յամաց հե-
տէ վարէր զպաշտօն Սթոռակալութեան յայն դժուա-
րակնճիոն դէպս: Յետ հրաժարելոյ Անտոնի Պետրոսի
Թ. տարժանագոյն ևս եղև երկարաձգեալ պարապու-
թիւն Սթոռոյ իբր ութամսեայ ժամանակ, յորս քաջ
եցոյց նա զառաջնորդական միտսն և զհանճար ի
վարչութիւն մեծամեծաց և ծանր գործոց, որով յա-
ջողեցաւ հարթել զխոչան. որք արգելք լինէին գա-
լոյ յընտրութիւն նորոյ հայրապետի յայնչափ ժա-
մանակս:

Յետ մասնական գումարմանց ի պատրաստութիւն
կարևորացն ի 6 յուլիսի, 1881. գումարեցան յՍ-
թոռանիստ եկեղեցւոջ սուրբ Աստուածածնի ի Բերա
Կոստանդնուպօլսի, Ստեփանոս Ազարեան որ զգա-
հերիցութիւն սիւնհոգոսին ունէր, հրաժարմամբ ար-
քեպիսկոպոսին Մամպտոյ, որ երիցագոյն ի մէջ ա-
ռաջիկայից էր, Մելքոն Հազարեան, Սուքիաս Քա-
զանճեան և Յովհան Քիւրեղեան Արքեպիսկոպոսք.
Պետրոս Թիւրեան, Ստեփանոս Մելքիսեղեկեան, Կա-
րապետ Առաքելեան, Կարապետ Ղատիֆեան, Կղե-
մէս Միքայէլեան և Պօղոս Մարմարեան եպիսկոպոսք:
Բացակայ էին Արքեպիսկոպոսքն Գրիգոր Պալիթեան,
Ղևոնդ Խոռխոռունի և Բարսեղ Գասպարեան որք

առաքեալ էին զիւրեանց քուէ: Եւս և Թէոդորոս եպիսկոպոս Ներշապուհ և Մովսէս Եպիսկոպոս Ամպէրպոյեան, որք և մատուցեալ էին զքուէս իւրեանց: Եւ առաւելութեամբ քուէից (երկու երրորդաւ որպէս միշտն ի կիր ածի յընտրութիւնս պատրիարքաց) ընտրեցաւ Ստեփանոս Ազարեան Արքեպիսկոպոս Նիկոսիոյ, որ անուանեցաւ Պետրոս Ժ.: Եւ յՏ յուլիսի, կատարեցաւ հանդէս գահակալութեան մեծաւ շքեղութեամբ ի մայր եկեղեցւոջ նուիրելոյ Յիսուսի Փրկչի, որ ի կալաթա. յանդիման բազմութեան ժողովրդեան և եկեղեցն ի տեսութիւն հանդիսի:

Ի 14 նորին ամսոյ շնորհեցաւ նմա ընդունելութիւն առ վեհափառ ինքնակալին եպիսկոպոսօք և աշխարհական իշխանօք, որ եղև շքեղ յոյժ, և տուաւ իսկ նորընտիր պատրիարքին շքանշան առաջին Մէծիտեան կարգի և ժապաւէնն մեծ, և այլ եպիսկոպոսունք որոց ոչն էր ընկալան շքանշանս:

Հաստատութիւնն տուաւ ի ձեռն փոխանորդի ի 4 օգոստոս, այլ վերարկուն առաքեցաւ ի կոստանդնուպօլիս և Առաքելական նուիրակն արկ ի վերայ նորա ի 14 օգոստոս յեկեղեցւոջ Հոգւոյն Սրբոյ:

Յետ այնորիկ առանձին կոնդակաւ և այլօք հրահանգօք և ընծայութեան թղթովք առաքեաց ի վանս փոխման կուսին ի Չամառ զԱնդրէաս գերապայծառ Աղեքսանդրեան զկարգեալն ի նախորդէն իւրմէ մեծաւոր ի վերայ նոյն վանաց, որ մեկնեալ ի կոստանդնուպօլսէ եհաս ի Չամառ յ 2. սեպտեմբեր. 1881:

Ապա ձեռնադրեաց եպիսկոպոս զգերապատիւ Պօղոս վարդապետ Էմմանուէլեան ի վերայ կեսարիոյ, որ ընտրեալն էր ի վերջին ամի նախորդին իւրոյ:

Իսկ Սուքիաս վարդապետ Գազանձեան, որ յանուն Անտիոքայ ձեռնադրեալն էր, ընկալաւ զյոր-

ջորջանաց անուն Սէլիմպրիոյ Արքեպիսկոպոսի և
 Յովհան վարդապետ Քիւրէլեան ձեռնադրեալ ամօք
 յառաջ եպիսկոպոս՝ զԱտալիայ: Յամին 1884 ի 16
 սեպտեմբեր, Յարուժիւն վարդապետ Ճամճեան ձեռ-
 նադրեցաւ եպիսկոպոս Մշոյ, յորմէ ապա յետ երկուց
 ամաց փոխադրեցաւ ի Պրուսա, և 19 հոկ-
 տեմբեր, Յովսէփ վարդապետ Ֆէրահեան ի վերայ
 Տիգրանակերտի: Կարապետ վարդապետ Ասլանեան
 եղև եպիսկոպոս Ատանոյ յամին 1885, և զհինգ
 ամ կացեալ անդ կարգեցաւ ապա ի սիւնհոդոսի Աթո-
 ոակալ Հայրապետին: Չեռնադրեցաւ յ 2. մայիս
 1885, Բառնաբաս վարդապետ Ազէհիրլեան եպիս-
 կոպոս Աղեքսանդրիոյ Եգիպտոսի: Եւ յ 19 մայիսի,
 1887 ձեռնադրեցաւ Յովհաննէս վարդապետ Յովհան-
 նէսեան՝ եպիսկոպոս Մշոյ, յորմէ յետ երկուց ամաց
 փոխադրեցաւ յԱնկիւրիա. ձեռնադրեցաւ ապա յա-
 մին 1890, ի 23 սեպտեմբեր Աւետիս վարդապետ
 Թուրքեան ի վերայ Մարաշոյ, սա յետինն ամաց եղև
 Արքեպիսկոպոս Բերիոյ: Կարապետ վարդապետ Քը-
 չուրեան Կարնոյ, և Աւետիս վարդապետ Արփիա-
 րեան՝ Խարբերդի, որ ի 24 փետրուար, 1898 կար-
 գեցաւ Աթոռակալ առ կաթողիկոսին յորջորջմամբ
 Արքեպիսկոպոսի Անարզաբայ: Յ 8 ապրիլ 1892,
 ձեռնադրեցան Սահակ վարդապետ Հաճևան Արքե-
 պիսկոպոս Սեբաստիոյ և եպիսկոպոս Եւզոկիոյ և
 Պօղոս վարդապետ Թերզեան եպիսկոպոս Ատանոյ և
 ի նմին ամի յ 31 մայիսի, Ներսէս վարդապետ Ճըն-
 տոյեան եպիսկոպոս Մշոյ. Առ սովին կաթողիկոսաւ
 ընտրեցան ևս և Միքայէլ վարդապետ Խաչատուրեան
 Անդրէաս վարդապետ Չելեպեան և Ստեփանոս վար-
 դապետ Իսրայելեան և հաստատեցան իսկ, այլ կան-
 խեալ օրհաս մահուն ոչ ժամանեաց տալ նոցա զօ-
 ծումն եպիսկոպոսական ձեռնադրութեան: Չոր կա-

տարեաց յետուստ փոխանորդ նորին Արքեպիսկոպոսն Անարզարայ, ըստ մասնաւոր հրամանի և արտօնութեան: Նշանաւոր ի գործս հայրապետիս է պատգամաւորութիւն նորա ի դիմաց վեհափառ սուլթանին ի Հոովմ ի հանդէս Յորելինի մեծի քահանայապետին Լևոնի ԺԳ:

Սիւնհոդոսն զոր գումարեաց յամին 1890, ի Քաղկեդոն, յորում անձամբ առաջի գտան ընդ գահերիցութեամբ Ազարեան պատրիարքին՝ արքեպիսկոպոսունք և եպիսկոպոսունք՝ Ղևոնդ Խոռխոռունի Մելիտինեայ, Յովհան Քիւրելեան Ատալիոյ, Ստեփան Մելքիսեդեկեան Կարնոյ (հրաժարեալ) Կարապետ Ղատիֆեան Սեբաստիոյ, Պօղոս Մարմարեան Տրապիզոնի, Պօղոս Էմմանուէլեան Կեսարիոյ, Յովսէփ Փերահեան Տիգրանակերտի, Յարութիւն Ճամճեան Պրուսայ, Կարապետ Ասլանեան Ատանոյ, Բառնաբաս Ազշէհիրլեան Աղեքսանդրիոյ, Յովհաննէս Յովհաննէսեան Մշոյ: Գլուխ քարտուղարաց էր մեծաւորն Զմմառի Անդրէաս գերապայծառ Աղեքսանդրեան, ընդ որում էին և գերապատիւ վարդապետք, Ստեփան Աբիկեան, Ներսէս Աճեմեան, Գէորգ Թէրզիպաշեան: Սկիզբն ժողովոյն եղև ի 27 յունիսի և աւարտն ի 4 սեպտեմբեր, ի կէս գումարմունսն, ի ժողովի աստ բանք եղեն և վասն Զմմառեան Միաբանութեան ի նիստսն Լ. ԼԱ. ԼԲ. ԼԳ: և սահմանեցան իսկ կանոնք հաւանութեամբ համօրէն հարցն, որք և առաքեցան ընդ այլ գործոց ժողովոյն ի Հոովմ:

Յաջողեցաւ ևս երանաշնորհ հայրապետն բառնալ ի միջոյ զկրճիմն բաժանման, որ մնացեալ էր տակաւին ի հասարակութեանս, և հաստատեցաւ խաղաղութիւն յամենայն ուրեք:

Կառոյց զկուսաստանն, որ ի հրայրեացսն 1870,

ամին հիմն ի վեր տապալեալ էր, շքեղ ևս քան զառաջինն, նոյնպէս և զեկեղեցի սուրբ Պօղոսի ի Պէօյուքտէրէ, և զպանդոկն Պրիսթօլ, երեքին իսկ շինուածք մեծակառոյցք և մեծածախք:

Քաջալերեալ յօրինակէ և ի խրախուսանաց հայրապետին արար և մեծաւորն վանաց Զմմառի նորոգութիւն ո՛չ սակաւ ի վանս, և նորանոր շինութեամբ աճեցոյց զկալուածսն և պտղաբերս արար, որք անհրաժեշտ էին, յետ անկման յարգի բժոժի շերամոյ, և արար բազում բարեկարգութիւնս. ըստ աստուածապաշտութեան, ըստ ուսման և ըստ այլ ամենայն պիտոյից:

Են արդարև բազում գործք և արարք Ստեփանոսի Պետրոսի թող ժ. զհամբաւ նորա առաջի մեծի պետութեան օսմանեան, սրբոյ աթոռոյն և համայն քաղաքակիրթ աշխարհի: Ունէր զրիչ արագագիր դպրի, խօսէր ընթեռնոյր և գրէր յուժ բարբառս արևելեան և արևմտեան, հմտացեալ յոյժ քան զբազումս յաստուածային, յեկեղեցական և յարտաքին գիտութիւնս. ունի մատեանս ինչ տպագրեալս և ձեռագիր յայլ և այլ լեզուս. նաեւ ճառս ընտիրս. իսկ զբոլորնք նորա երկարապատումք, ըստ նիւթոցն տանելոյ, լի հմտութեամբ էին. դիւրութիւն մեծ էր նորա ի խօսել և համոզիչք յոյժ էին յորդորքն, և յաշխատանս անխոնջ գտաւ միշտ:

Կալաւ զաթոռն հայրապետական զամս ժէ. ամիսս 9 և աւուրս 13 յընտրութենէ իւրմէ, և ննջեաց ի տէր յ 19 ապրիլ. 1899: Եղև թաղումն մեծահռչակ, և եղաւ մարմին նորա ի դիր հանգստեան ի հասարակաց գերեզմանի ի մասնն անուանեալ՝ թաղ եկեղեցականաց,

ՊՕՂՈՍ Գ. ՊԵՏՐՈՍ ԺԱ.

ԷՄՄԱՆՈՒԷԼԵԱՆ ԹԵԼ-ԷՐՄԵՆՅԻ

1899 - 1904

Ըստ որոշողութեան որ եղեալն էր յաւուրս կաթողիկոսութեան Ստեփանոսի Պետրոսի Ժ. կալաանդէն և անդ աթոռակալն Աւետիս արքեպիսկոպոս Անարգարայ զվարչութիւնն պատրիարքութեան և թեմին Կոստանդնուպօլսի, և պատրաստեալ և յարդարեալ զամենայն, հրաւէր կարգաց առ ամենայն արքեպիսկոպոսս և եպիսկոպոսս զալ ի ժողով ընտրութեան նոր պատրիարքի: Եկին ժողովեցան հետզհետէ եպիսկոպոսունք յայլ և այլ թեմից և զաւտաց: Եւ ի 24 յուլիսի. 1899, զումարեցան ի ժողով յաթոռանիստ եկեղեցւոջ սուրբ Աստուածածնի, ընդ զահերիցութեամբ արքեպիսկոպոսին Անարգարայ, Յովհանն Ատալիոյ, Աւետիս Բերիոյ, Սահակ Սերաստիոյ և Եւզոկիոյ արքեպիսկոպոսք և Պօղոս Տրապիզոնի, Պօղոս Կեսարիոյ, Յարութիւն Պրուսայ, Պօղոս Ատանայ, Կարապետ Կարնոյ, Ներսէս Մշոյ, Միքայէլ Մելիտինեայ, Անդրէաս Տիգրանակերտի և Ստեփան Խարբերդի եպիսկոպոսք, և յետ հայցելոյ զլոյս հոգւոյն սրբոյ, ընտրեցին ի պատրիարք Տանն Կիլիկիոյ՝ զՊօղոս վարդապետ Էմմանուէլեան Եպիսկոպոս Կեսարիոյ, որ կոչեցաւ Պետրոս ԺԱ: Յետ երից ամսոց և չորից աւուրց պարապութեան աթոռոյն:

Ի 6 օգոստոս, կատարեցաւ ի նոյն աթոռանիստ

եկեղեցւոջ հանդէս գահակալութեան շքեղ յոյժ. յորում առաջիկայ գտան ազգք և ազինք, որք բնակեալ են ի Կոստանդնուպօլիս, այլ և բոլոր դեսպանք ունէին իւրեանց ներկայացուցիչս: Ապա շնորհեցաւ նմա մուտ առ վեհափառ ինքնակալն, որ ընկալեալ սիրով՝ ետ նմա զշքանշան Մէծիտեան առաջին կարգի ընդ մեծի ժապաւէնին: Յետոյ ուրեմն և զօսմանիէն նմին կարգի. և ի պարսից Շահէն տուաւ նմա Շիրխուրշիտ առաջինն:

Յետ հաստատութեան ի Լևոնէ ԺԳ քահանայապետէ, ընկալաւ և զվերարկուն ձեռամբ Առաքելական Նուիրակին Կոստանդնուպօլսի յեկեղեցւոջ Հոգւոյն Սրբոյ ի Բանկալթի, յ18 փետրուար 1900:

Յամին 1901, յամսեան սեպտեմբեր, զաւուրս վեշտասան (5, 30) աշխատ եղեալ անդադար յետ բազում անգամ խորհրդածելոյ և քննելոյ պատրաստեցաւ ծրագիր կարգաց և կանոնաց միաբանութեան վանաց փոխման կուսին ի Չամառ, որ և առաքեցաւ ի Հոովմ ի 20 սեպտեմբեր, յարակից թղթով:

Ի սմին ամի ի 10 նոյեմբեր, ձեռնադրեաց հայրապետն զՄատթէոս վարդապետ Սիսեան եպիսկոպոս Կեսարիոյ. զՊօղոս վարդապետ Սապապաղեան եպիսկոպոս Աղեքսանդրիոյ Եգիպտացւոց, և զԿղեմէս վարդապետ Ղազարոսեան Անկիւրիոյ. իսկ ի 4 դեկտեմբեր զՅովհաննէս վարդապետ Մուրատեան եպիսկոպոս Մարաշոյ:

Ապա ի 6 յուլիսի, 1902. ձեռնադրեաց Արքեպիսկոպոս Մարտինոյ և Բերիոյ զՅուսիկ վարդապետ Կիւլեան, և զՕգոստինոս վարդապետ Սայեղեան: Եւ ի հուսկն ի 14 յունիսի. 1903, զՍտեփանոս վարդապետ Աբիկեան եպիսկոպոս Տրապիզոնի: Փոյթ մեծ ունէր յառաջադիմութեան գործոց պատրիարքութեան իւրոյ, որպէս և միաբանութեան Չամառի.

և այլոց եկեղեցական հաստատութեանց, ջան եղ շիջուցանել ըզպարտան, որք ծանրանային ի վերայ Աթոռոյն, և եթէ սղութիւն ժամանակին զլրումն բաղձանացն տեսանել չներեաց, այլ և ոչ յաւելինչ ի վերայ, իննայութեան միտ եղեալ:

Գիտակ էր հայրապետս փոյթեռանդ այլ և այլ արևելեան և արևմտեան լեզուաց, հմուտ էր իմաստասիրական և աստուածաբանական և այլ ևս գիտութեանց, յօրինեաց փիլիսոփայութիւն հայերէն յերկուս հատորս, աստուածաբանութիւն համառօտ ի Տաճիկ բարբառ, նոյնպէս ի նոյն լեզու մատենիկ մի զճիսից և զսովորութեանց (Այն ու Ատէթ) և զայլ յօրինուածս ձեռագիր կամ տպագրեալ, քաջահմուտ էր օրինաց Օսմանեան պետութեան կրօնականաց և քաղաքայնոց: Վարեալ զԱթոռն զամս Դ. զամիս Տ և զաւուրս 14 հանգեալ ի տէր 118, ապրիլ. 1904:

Մեծաւ յուզարկաւորութեամբ եղաւ մարմին նորա ի դիր հանգստեան ի հասարակաց գերեզմանի ի թաղն կեղեցականաց ըստ կամաց իւրոց, որպէս ի կենդանութեան իւրում յայտ արարեալ էր:

Եւ մնաց Աթոռն թափուր զամիսս 3 և զաւուրս 16, և էառ դարձեալ ի ձեռս զվարչութիւնն տեղապահութեամբ Աւետիս Արփիարեան Արքեպիսկոպոս Անարզաբայ, որպէս որոշեալն էր յաւուրց անտի Ստեփանոսի Պետրոսի Ժ. որ և ազգ արարեալ ամենեցուն զփոխիլ հայրապետին յաստեացս, հրաւիրեաց զԱրհիապատիւ արքեպիսկոպոսունս և զեպիսկոպոսունս ի ժողով ընտրութեան:

ՊՕՂՈՍ Դ. ՊԵՏՐՈՍ ԺԲ.

Ս Ա Պ Պ Ա Ղ Ե Ա Ն Բ Ե Ր Ի Ա Ց Ի

1904 -

Հուլայ ընդ հուլայ հասանէին ի Մայրաքաղաքն արքեպիսկոպոսք Սեբաստիոյ-Եւզոկիոյ, Ամասիոյ (յորջորջանաց), Մարտինի և Բերիայ, և եպիսկոպոսք Պրուսայ, Կարնոյ, Մշոյ, Տիգրանակերտի, Մելիտանայ, Խարբերդի, Կեսարիոյ, Աղեքսանդրեայ, Անկիւրեայ, Մարաշոյ և Տրապիզոնի: Մինչդեռ սորա ամենեքին ընդ գահերիցութեամբ արքեպիսկոպոսին Անարզարայ, տեղապահի ակթոսոյն գումարէին աւուր աւուր ի պատրաստութիւն կարևորացն. անդուստ և դասք կղերականաց և Աւագանին, ըստ սովորութեանն, որ իբր ի քառորդ դարէ ի գործածութեան էր, և չէր իսկ օտար ի հնագոյն սովորութենէ, տային զկարեանց բարեօք վկայութիւն զհնգեցունց յարհրապատիս հարց անտի, և որ անձանօթն իսկ էր երեսօք ի Մայրաքաղաքին, և բազմագունիցն ի մեծարգոյ քուէարկուաց անտի, համբաւովն յինքն ձգէր զմեծագոյնն քան զամենեսեան մասն: Աչ արտաքին փայլք էին, որք զաչս նոցա շլացուցեալ խողէին. այլ զի երեւէր ի նմա հոգի բարեգութ, եօթնարփին շնորհօք հոգւոյն սրբոյ զարդարեալ տեսանէին զնա, հայր ազբատաց և հովիւ փութաջան նուիրեալ յերջանկութիւն հօտին: Եպիսկոպոստունք չկրեցին զժուարթութիւն զոք ի միարանութիւն, ալ

նա չառնոյր յանձն ընդունել, զոր ընծայէին նմա. զի ըզժանրութիւն պաշտաման յայտ յանդիման տեսանէր:

Ի 4 օգոստոս (Ն. տ.) յաւուր եջ. գումարեցաւ նիստն յԱթոռանիստ եկեղեցւոջ սուրբ Աստուածածնի, որ ի Բերա, և ընտրեցաւ պատրիարք Կիլիկիոյ Պօղոս եպիսկոպոս Աղեքսանդրիոյ Եզրիպտոսի. և կոչեցաւ Պետրոս ԺԲ: Ընդդէմ դարձաւ նա և յետ այնորիկ բազմօք, այլ ի յորդորանաց եղբայրակցացն առ հասարակ ստիպեալ զիջաւ կամաց նոցա:

Ի 29. օգոստոս 11 սեպտեմբեր յաւուր կիւրակէի կատարեցաւ մեծահանդէս շքով, ի ներկայութեան արքունի պաշտօնակալի, դեսպանական ներկայացուցչաց, աւագանւոյ հայ հասարակութեան և այլ ևս ազգաց և մեծի բազմութեան ժողովրդեան, յորում խօսեցաւ հայրապետն հառ լի իմաստութեամբ յօրինեալ, և ողջունեալ յամեցունց յարգանօք դարձաւ ի հայրապետանոցն:

Ապա շնորհեցաւ նմա մուտ առ վեհափառ Ինքնակալն Օսմանեան, և պատուեալ ի պալատականացն ի դարձին արար աղօթս վասն երկարութեան կենաց նորին կայսերական վեհափառութեան:

Հաստատութիւն քահանայապետական տուաւ ի Պիոսէ Ժ. ի գաղտնի խորհրդարանի ի ԺԳ. ամսեանն նոյեմբեր 1904. նոյնպէս և շնորհեցաւ վերարկուն ի ձեռն Յարութիւն արքեպիսկոպոսի Ամասիոյ կարգելոյ ի նորընտիր պատրիարքէն յայն սակս: Նշանաւոր են բանք գովեստից սրբազան քահանայապետին, որ է, «Յօժարամիտ և առատակամ յարունն պատուական եղբօր Պօղոսի Սապապղեան առ այս Աթոռ Առաքելական և ազգի ազգի լաւութեանցն հանդէս՝ լիապատում վկայութեամբ եղբայրակցաց իւրոց եպիսկոպոսաց զրուատեալ են: Վարեալ իսկ

է նորա զպաշտօն եպիսկոպոսութեան և բարեպաշտութեամբ, խոհական իմաստութեամբ, արդ արութեամբ և համեստագոյն վարուք. ևս և առ ատածեոն բարութեամբն, և զգործս ծանր ծանր պաշտամանց բերեալ հանեալ ի վճար յաջողապէս, արժանի եղև սիրոյ և յարգանաց ազգին իւրոյ» :


Չանցելոց էին բանք քահանայապետին իբրև զեղելոց, այլ և արդիւնք իրաց քաջ հանդիսացուցին զայնս և ի պատրիարքութեան : Այն ինչ կոխեալ ըզսեամս հայրապետանոցին առատ տրովք սփոփեալ մխիթարեաց զկարօտեալսն, օժանդակ եղև բարեպարիշտ հաստատութեանց Մայրաքաղաքին : Ետ տպագրել իւրով իսկ ծախիւք զկանոնս միաբանութեան Չմմառի զյօրինեալն և զկարգաւորեալ յերկուց երանայիշատակ նախորդաց իւրոց. յաւելեալ ի նոյն երիս կանոնս կարևոր յոյժ, և զամենայն վաւերացոյց զբութեամբ ձեռին իւրոյ՝ առ ի գործածութիւն.

Նոյնպէս ետ տպագրել զմեռուն օրհնեքն, առ ի դիւրութիւն :

Կառուցան ջանիւք նորին տասն տունք ի կալուածս Սուրբ Յակոբայ յեկամուտ անկեւլանոցին, հիմն արկաւ անդէն և մեծի օթեանին :

Կարգեաց և ի խնամս աղքատաց մասնաւոր ժողովս առանձինն կանոնօք յամենայն ժողովրդապետութիւնս Կոստանդնուպօլսի :

Այս ամենայն և այլ ևս իրք կատարեալք ի սուղ ժամանակի, յորդոր լինին ամենեցուն, աղօթս և պաղատանս մատուցանել առ Տէր, զի տացէ փոյթեռանդն հայրապետիս երկայն և երջանիկ կեանս և հաւասար ըղձիցն յաջողութիւն, առ ի մեծամեծս ևս քան զսոյն գործս հանել ի զլուխ յօգուտ և ի բարգաւաճանս հայ կաթողիկէ եկեղեցւոյ և հասարակութեան :



յամբ

Արթուր Ե	Ք - պոստուս	Ա.	Ե	11
Զարգար	Դ	"	Ք	20
Արթուր Ե		"	Գ.	25
Սարգսյան		"	Կ	31
Գրտար	Ճ Ք	"	Ե.	34
"	Բ Գ	"	Զ.	38
Զարգար	Ե	"	Ե	44
Գրտար	Ճ Դ	"	Զ.	46
Արթուր		"	Բ.	52
Արթուր Ե	Ե.	"	Ճ :	60
Կոչում	Գ.	"	Ճ Ա.	65
"	Դ	"	Ճ Ք.	68.

Գրան
Արտի Այսպանեանի
Գրքեր — Մարտիս



[704]

~~W Long~~
132